

四庫全書

經部

欽定四庫全書

經部

禮書綱目卷二

詳校官監察御史<sub>臣</sub>左周

給事中<sub>臣</sub>溫常綬覆勘

總校官進士<sub>臣</sub>何思鈞

校對官中書<sub>臣</sub>金光悌

謄錄監生<sub>臣</sub>俞鳳

欽定四庫全書

禮書綱目卷一

婺源江永撰

士冠禮

嘉禮一

經鄭氏目錄云童子仕職居士位年二十而冠主人  
玄冠朝服則是仕于諸侯天子之士朝服皮弁素  
積古者四民世事士之子  
恒為士冠于五禮屬嘉禮

士冠禮筮於廟門

筮者以著問日吉凶於易也冠必筮日  
于廟門者重以成人之禮成子孫也

廟謂禰廟不于堂者  
禰著之靈由廟神

主人玄冠朝服緇帶素鞶即位於

門東面

主人將冠者之父兄也玄冠委貌也朝服者  
十五升布衣而素裳也衣不言色者衣與冠

同也筮必朝服尊著龜之道也緇帶黑緇帶也士帶博二寸再繚四寸屈垂三尺素鞶白韋鞶也長三尺上廣一尺下廣二尺其頸五寸肩革帶博二寸天子與其臣玄冕以視朔皮弁以日視朝諸侯與其臣皮弁以視朔朝服以日視朝凡染黑五入為緇七入為緇玄則六入與有司如主人服即位於西

方東面北上

有司羣吏有事者謂主人之吏所自辟除府史以下也今時卒吏及假吏皆是也

筮與席所卦者具饌於西塾

筮所以問吉凶謂著也所卦者所以畫地記爻易曰

六畫而成卦饌陳也具俱也西塾門外西堂也

布席於門中闌西闕外西面

闌門

歷也闌間也古文闌為鞶闕為戲

筮人執筮抽上鞶兼執之進受命於

主人

筮人有司主三易者也鞶藏筮之器也今時藏弓矢者謂之鞶凡也兼并也進前也自西方而前受

命者當知所筮也

宰自右少退贊命

宰有司主政教者也自由也贊佐也命告也佐主人

告所以筮也少儀曰

筮人許諾右還即席坐西面卦者

贊幣自左詔辭自右

在左

即就也東面受命右還北行就席卦者有司主畫地識爻者也

卒筮書卦執以示主人

卒已也書卦者筮人

主人受眡反之

反還也

筮人還東面

旅占卒進告吉

旅衆也還與其屬共占之古文旅作臚

若不吉則筮遠日

如初儀

遠日旬之外

徹筮席

徹去也

宗人告事畢

宗人有司主禮者也

右筮日

記凡卜筮日旬之外曰遠某日旬之內

曰近某日

旬十日也

吉事先近日

吉事祭祀冠娶之屬也曲禮

主人戒賓賓禮辭許

戒警也告也賓主人之僚友古者有吉事則樂與賢者歡成之有凶

事則欲與賢者哀戚之今將冠子故就告僚友使來禮辭一辭而許也再辭而許曰固辭三辭曰終辭不許也

主人再拜賓答拜主人退賓拜送

退去也歸也

右戒賓 戒賓曰某有子某將加布於其首願吾

子之教之也

吾子相親之辭吾我也子男子之美稱古文某為謀

賓對曰某

不敏恐不能共事以病吾子敢辭

病猶辱也古文病為秉

主

人曰某猶願吾子之終教之也賓對曰吾子重有命

某敢不從

敢不從許之辭諸辭本總見經後舊例悉分附本章之左以從簡便今仍之

前期三日筮賓如求日之儀

前期三日空二日也筮賓筮其可使冠子者賢者恒

吉冠義曰古者冠禮筮日筮賓所以敬冠事敬冠事所以重禮重禮所以為國本

### 右筮賓

乃宿賓賓如主人服出門左西面再拜主人東面答拜

宿進也宿者必先戒戒不必宿其不宿者為衆賓或悉來或否主人朝服

乃宿賓賓許主人

再拜賓答拜主人退賓拜送

乃宿賓者親相見致其辭

宿贊冠者一

人亦如之

贊冠者佐賓為冠事者謂賓若他官之屬中士若下士也宿之以筮賓之明日

### 右宿賓

宿曰某將加布於某之首吾子將莅之

敢宿賓對曰某敢不夙興

莅臨也今大無對

厥明夕為期於廟門之外主人立於門東兄弟在其南少退西面北上有司皆如宿服立於西方東面北上

其厥

也宿服朝服

擯者請期宰告曰質明行事

擯者有司佐禮者在主人曰擯在客

曰介質正也宰告曰旦日正明行冠事

告兄弟及有司

擯者告也

告事畢

宗人告也

擯者告期於賓之家

右為期

夙興設洗直於東榮南北以堂深水在洗東

夙早也興起也洗承



盥洗者棄水器也士用鐵榮屋翼也周制自卿大夫陳以下其室為夏屋水器尊卑皆用金壘及大小異

服於房中西墉下東領北上

墉

爵弁服纁裳純衣緇帶

韎韐

此與君祭之服雜記曰士弁而祭于公爵弁者冕之次其色赤而微黑如爵頭然或謂之緇其布三

十升纁裳淺絳裳凡染絳一入謂之緇再入謂之纁三入謂之纁朱則四入與純衣絲衣也餘衣皆用布惟冕與爵弁服用絲耳先裳後衣者欲令下近緇明衣與帶同色韎韐緇紃也士緇紃而幽衡合韋為之士染以茅蒐因以名焉今齊人名蒨為韎韐韐之制似韠冠弁者不與衣陳而言於上以冠名服耳今文纁皆作熏字

皮弁服素積緇帶素韠

此與君視朔之服皮弁者以白鹿皮為冠象上古也積猶辟也

以素為裳辟感其要中皮弁之衣用布十五升其色象焉

玄端玄裳黃裳雜裳可也

緇帶爵韠

此莫夕於朝之服玄端即朝服之衣易其裳耳上士玄裳中士黃裳下士雜裳雜裳者前

玄後黃易曰夫玄黃者天地之雜也天玄而地黃士皆爵韠為韠其爵同不以玄冠名服者是為緇布冠陳之

王藻曰韠君朱大夫素士爵韠

緇布冠缺項青組纓屬於缺緇纁纁終

幅長六尺皮弁弁爵弁弁緇組纁纁邊同篋

缺讀如有類者弁之

類也項中有組亦由固類為之耳今未冠弁者著卷幘

類象之所生也膝薛名齒為類屬猶著纁今之幘梁也終充也纁一幅長六尺足以韜髮而結之矣弁今之簪

有弁者屈組為紃垂為飾無弁者纓而結其條纁櫛實邊組側赤也同篋謂此以上凡六物隋方曰篋

於簪

簪笄也

蒲筵二在南

筵席也

側尊一甒醴在服北有篋

實勺解角枳脯醢南上

側猶特也無偶曰側置酒曰尊側者無玄酒服北者纁裳北也

籩竹器如簋者勺尊升所以斟酒也爵三升曰解枳狀如匕以角為之者欲滑也南上者籩次尊邊豆次籩古

文甌作廡爵弁皮弁緇布冠各一匣執以待於西坫南南面

東上賓升則東面

爵弁者制如冕黑色但無纁耳周禮王之皮弁會五采玉璫象邸玉笄諸

侯及孤卿大夫之冕皮弁各以其等為之則士之皮弁又無玉象邸飾緇布冠今小吏冠其遺象也匣竹器名今之冠箱也執之者有司也坫在堂角古文匣為簋坫為檐

屨夏用葛玄端黑屨青

約纁純純博寸

屨者順裳色玄端黑屨以玄裳為正也約之言拘也以為行戒狀如刀衣鼻在

屨頭纁縫中紃也純緣也三者皆青博廣也

素積白屨以魁柎之緇約纁純

純博寸

魁蚤蛤附注也

爵弁纁屨黑約纁純純博寸

爵弁屨以黑為飾爵

弁尊其屨

以績次冬皮屨可也不屨總屨

總屨喪屨也縷不灰治曰總按此三屨本在

辭後記前今從舊移附此加圈以隔之

### 右陳器服

主人玄端爵韠立於阼階下直東序西面

玄端士入廟之服也阼猶

酢也東階所以答酢賓客也堂東西牆謂之序

兄弟畢袵玄立於洗東西面北

上兄弟主人親戚也畢猶盡也袵同也玄者玄衣玄裳也緇帶韠位在洗東退于主人不爵韠者降于主人

也古文袵為均也

擯者玄端負東塾

東塾門內東塾負之北面

將冠者采衣

紒在房中南面

采衣未冠者所服玉藻曰童子緇布衣錦緣錦紳并紐錦束髮皆朱錦也紒結

髮古文紒為結

### 右即位

賓如主人服贊者玄端從之立於外門之外

外門大

擯

者告

告者出請入告

主人迎出門左西面再拜賓答拜

左東也出以東

為左入以東為右

主人揖贊者與賓揖先入

贊者賤揖之而已又與賓揖先入道

之贊者隨賓

每曲揖

周左宗廟入外門將東曲揖直廟將北曲又揖

至於廟門揖入

三揖至於階三讓

入門將右曲揖將北曲揖當碑揖

主人升立於序端

西面賓西序東面

主人賓俱升立相鄉

贊者盥於洗西升立於房

中西面南上

盥於洗西由賓階升也立于房中近其事也南上尊于主人之贊者古文盥皆作洗

### 右迎賓

主人之贊者筵於東序少北西面

主人之贊者其屬中士若下士筵布席也

東序主人位也適子冠于阼少北辟主人

將冠者出房南面

南面立于房外之西待賓命

贊者奠纁笄櫛於筵南端

贊者賓之贊冠者也奠停也古人櫛為節

賓揖將

冠者將冠者即筵坐贊者坐櫛設纁

即就設施

賓降主人降

賓辭主人對

主人降為賓將盥不敢安位也辭對之辭未聞

賓盥卒壹揖壹讓

升主人升復初位

揖讓皆壹者降于初古文壹皆作一

賓筵前坐正纚興

降西階一等執冠者升一等東面受賓

正纚者將加冠宜親之興起也

降下也下一等升一等則中等相授冠緇布冠也

賓右手執項左手執前進容

乃祝坐如初乃冠興復位贊者卒

進容者行翔而前鵠焉至則立祝坐

如初坐筵前興起也復位西席東面卒謂設缺項結纓也

冠者興賓揖之適房

服玄端爵韠出房南面

復出房南面者一加禮成觀衆以容體

右始加始加祝曰令月吉日始加元服

令吉皆善也元

也首棄爾幼志順爾成德壽考惟祺介爾景福

爾汝也既

冠為成德祺祥也介景皆大也因冠而戒且勸之女如是則有壽考之祥大女之大福也

賓揖之即筵坐櫛設筭賓盥正纓如初降二等受皮弁

右執項左執前進祝加之如初復位贊者卒紘

如初為不見者

言也卒紘謂繫屬之

興賓揖之適房服素積素鞞容出房南面

容者

再加彌成其儀益繁

右再加 再加曰吉月令辰乃申爾服

辰子丑也申重也

敬爾威儀淑慎爾德眉壽萬年永受胡福

胡猶遐也遠也

遠無窮古文眉作康



賓降三等受爵弁加之服纁裳韎韐其他如加皮弁之

儀

降三等下至地他謂卒絃客出

徹皮弁冠櫛筵入於房

徹者贊冠者主人之贊者

為之

右三加 三加曰以歲之正以月之令咸加爾服

正猶善也咸皆也皆加女之三服謂緇布冠皮弁爵弁也兄弟具在以成厥德

厥

黃耆無疆受天之慶

黃黃髮也耆凍梨也皆壽徵也疆竟

筵於戶西南面

筵主人之贊者戶西室戶西

贊者洗於房中側酌醴

加柶覆之而櫛

洗盥而洗爵者昏禮曰房中之洗在北堂直室東隅篚在洗東北面盥側酌者

言無為之薦者面前也禁柶大端贊酌者賓尊不入房古文禁為攜

賓揖冠者就筵筵西

南面賓受醴於戶東加柶面枋筵前北面

戶東室戶東今文枋為柄

冠者筵西拜受觶賓東面答拜

筵西拜南面拜也賓還答拜於西序之位東面者

明成人與為禮異于答主人

薦脯醢

贊冠者也

冠者即筵坐左執觶右祭

脯醢以柶祭醴二興筵末坐啐醴捷柶興降筵坐奠觶

拜執觶興賓答拜

捷柶扱柶于醴中其拜皆如初古文啐為呼

右醴冠者

醴辭曰甘醴惟厚嘉薦令芳

嘉善也善薦謂

脯醢芳香也

拜受祭之以定爾祥承天之休壽考不忘

休美也不忘  
長有令名

冠者奠饌於薦東降筵北面坐取脯降自西階適東壁

北面見於母

薦東薦左凡奠爵將舉者于右不舉者于左適東壁者出闕門也時母在闕門之外

婦人入廟由闕門

母拜受子拜送母又拜

婦人于丈夫雖其子猶俠拜

右冠者見母

賓降直西序東面主人降復初位

初位初至階讓升之位

冠者立

於西階東南面賓字之冠者對

對應也其辭未聞

右字冠者 字辭曰禮儀既備令月吉日昭告爾

字爰字孔嘉

昭明也爰於也孔甚也

髦士攸宜宜之於假

髦俊

也攸所也于猶為也假大也宜之是為大矣

永受保之曰伯某甫仲叔

季唯其所當

伯仲叔季長幼之稱甫是丈夫之美稱孔子為尼甫周大夫有嘉甫宋大

夫有孔甫是其類甫字或作父記幼名冠字五十以伯仲死謚周

道也

極弓

賓出主人送於廟門外

不出外門將醴之

請醴賓賓禮辭許賓

就次

此醴當作禮禮賓者欲謝其勤勞也次門外更衣處也以帷幕簟席為之

右賓出就次

冠者見於兄弟兄弟再拜冠者答拜見贊者西面拜亦

如之

見贊者西面拜則見兄弟東面拜贊者後賓出

入見姑姊如見母

入入寢門也廟

在寢門之外如見母者亦北面  
姑姊亦俠拜也不見妹妹卑

右冠者見兄弟贊者及姑姊

乃易服服玄冠玄端爵韠奠摯見於君遂以摯見於卿

大夫鄉先生

易服不朝服者非朝事也摯雉也鄉先生鄉中老人為卿大夫致仕者

右奠摯於君及卿大夫鄉先生

晉趙文子冠

子文

趙盾之孫趙朔之子趙武也冠謂以士禮始冠

見欒武子武子曰美哉

武

樂書也禮既冠奠摯于君遂以摯見于卿大夫先生美哉美成人也昔吾逮事莊主

莊莊子朔之諡也大夫稱主趙朔嘗將下軍樂書佐之華則榮矣實之不知

請務實乎

榮者有色貌實之不知華而不實也

見范文子

文子范變

文子

曰而今可以戒矣夫賢者寵至而益戒不足者為

寵驕

知不足者得寵而驕

故興王賞諫臣逸王罰之先王疾

是驕也見韓獻子

獻子晉卿韓厥

獻子曰戒之此謂成人

成人在始與善始與善善進善不善蔑由至矣

無蔑

始與不善不善進不善善亦蔑由至矣如草木之

產也各以其物

物類也

人之有冠猶宮室之有牆屋

也糞除而已又何加焉

糞除喻自修潔

見智武子武子曰

吾子勉之

武子晉御荀首之子荀瑩

成子之文宣子之忠其可

忘乎吾子勉之有宣子之忠而納之以成子之文

事君必濟

濟成也

見張老而語之

張老晉大夫張孟

張老曰

善矣從欒伯之言可以滋

滋益也

范叔之教可以大

韓子之戒可以成物備矣志在子

物事也人事已脩能行與否在

子之志

智子之道善矣

道訓也

是先主覆露子也

先主謂成

宣露潤也  
國語晉語

乃醴賓以一獻之禮

一獻者主人獻賓而已即燕無亞獻者獻酢酬賓主人各兩爵而禮

成特牲少牢饋食之禮獻尸此其類也上禮一獻卿大夫三獻賓醴不用柶者沛其醴內則曰飲重醴柶

醴清糟黍醴清糟梁醴清糟主人酬賓束帛儷皮飲賓客而

從之以財貨曰酬所以申暢厚意束帛贊者皆與贊冠

者為介贊者衆賓也皆與亦飲酒為衆賓介賓之輔以贊為之尊之飲酒之禮賢者為賓其次為介

賓出主人送於外門外再拜歸賓俎一獻之禮有薦有俎其牲未聞使人歸諸

賓家也



右醴賓

此章以上正禮已具以下皆禮之變

若不醴則醺用酒

若不醴謂國有舊俗可行聖人用焉不改者也曲禮曰君子行禮不求變

俗祭祀之禮居喪之服哭泣之位皆如其國之故謹修其法而審行之是也酌而無酬酢曰醺醴亦當為禮

尊於房戶之間兩甔有禁玄酒在西加勺南枋

房戶間者房西

室戶東也禁承尊之器也名之為禁者因為酒戒也玄酒新水也雖今不用猶設之不忘古也洗有篚

在西南順

洗庭洗當東榮南北以堂深篚亦以盛勺解陳于洗西南順北為上也

始加醺

用脯醢賓降取爵於篚辭降如初卒洗升酌

始加者言一加一醺

也加冠於東序醺之於戶西同耳始醺亦薦脯醢賓降者爵在庭酒在堂將自酌也辭降如初如將冠時降盥

辭主人降也凡薦出自東房

冠者拜受賓答拜如初

贊者筵於戶西賓升揖冠者就

筵乃酌冠者南面拜受賓授爵東面答拜如醴禮也於賓答拜贊者則亦薦之

冠者升筵坐左

執爵右祭脯醢祭酒興筵末坐啐酒降筵拜賓答拜冠

者奠爵於薦東立於筵西

冠者立俟賓命賓揖之則就東序之筵

徹薦爵

筵尊不徹

徹薦與爵者辟後加也不徹筵尊三加可相因由便也

加皮弁如初儀

再醺攝酒其他皆如初

攝猶整也整酒謂撓之今文攝為聶

加爵弁如初

儀三醺有乾肉折俎饔之其他如初

乾肉牲體之脯也折其體以為俎饔

嘗北面取脯見於母

右醺

醺辭曰旨酒既清嘉薦亶時

亶誠也古始文亶為瘳

加元服兄弟具來孝友時格永乃保之

善父母為孝善兄弟

為友時是也格至也永長也保安也行此乃能保之今文格為嘏几醺者不祝

再醺曰旨

酒既滑嘉薦伊脯

滑清也伊惟也

迺申爾服禮儀有序祭

此嘉爵承天之祜

祜福也

三醺曰旨酒令芳籩豆有

楚

旨美也楚陳列之貌

咸加爾服肴升折俎

肴升折俎亦謂豚

承天

之慶受福無疆

若殺則特豚載合升離肺實於鬯設局

特豚一豚也凡牲皆用左

胖煮于鑊曰亨在鼎曰升在俎曰載載合升者明亨與載皆合左右胖離割也割肺者使可祭也可臠也今文

局為鉉古始醢如初亦薦脯醢徹薦再醢兩豆葵菹羸文爵為密爵筵尊不徹矣

醢兩籩栗脯

羸醢蟪螭醢今文羸為螭

三醢攝酒如再醢加俎臠之

皆如初臠肺

攝酒如再醢則再醢亦攝之矣加俎臠之臠當為祭字之誤也祭俎如初如祭脯醢

卒醢取籩脯以降如初

### 右殺牲醢

若孤子則父兄戒宿

父兄諸父諸兄

冠之日主人紒而迎賓拜

揖讓立於序端皆如冠主禮於阼

冠主冠者親父若宗兄也古文紒為結今

文禮作醴

凡拜北面於阼階上賓亦北面於西階上答拜若

殺則舉鼎陳於門外直東塾北面

孤子得申禮盛之父在有鼎不陳於門外

右孤子冠

記父沒而冠則已冠埽地而祭於禰

已祭而見伯父叔父而后饗冠者

饗謂禮之子問詳見冠

昏記

若庶子則冠於房外南面遂醮焉

房外謂尊東也不於阼階非代也不醮於

客位成而不尊

右庶子冠

冠者母不在則使人受脯於西階下

右母不在

冠義

嘉禮二

禮之所尊尊其義也

言禮所以尊  
尊其有義也

失其義陳其數祝

史之事也故其數可陳也其義難知也知其義而敬

守之天子之所以治天下也

言政之要盡於禮  
之義 郊特牲

凡人之所以為人者禮義也禮義之始在於正容體齊

顏色順辭令

言人為禮以  
此三者始也

容體正顏色齊辭令順而后

禮義備以正君臣親父子和長幼

言三始既備乃君臣可求以三行也

正父子親長幼和而后禮義立

立猶成也

故冠而后服備服

備而后容體正顏色齊辭令順

言服未脩者未可求以三始也童子之服采衣紒

故曰冠者禮之始也是故古者聖王重冠古者冠禮筮

日筮賓所以敬冠事敬冠事所以重禮重禮所以為國

本也

國以禮為本

故冠於阼以著代也醺於客位三加彌尊

加有成也

阼謂主人之北也適子冠於阼若不醺則醺用酒於客位敬而成之也戶西為客位庶子

冠於房戶外又因醺焉不代父也冠者初加緇布已冠冠次加皮弁次加爵弁每加益尊所以益成也

布已冠

而字之成人之道也

字所以相尊也

見於母母拜之見於兄弟

兄弟拜之成人而與為禮也玄冠玄端奠摯於君所遂

以摯見於鄉大夫鄉先生以成人見也

鄉先生同鄉老致仕者服玄冠

玄端異於朝也

成人之者將責成人禮焉也將責為人子為人

弟為人臣為人少者之禮行焉將責四者之行於人其

禮可不重與

言責人以大禮者已接之不可以苟

故孝弟忠順之行立而

后可以為人可以為人而后可以治人也故聖王重禮

故曰冠者禮之始也嘉事之重者也是故古者重冠重



冠故行之於廟行之於廟者所以尊重事尊重事而不

敢擅重事不敢擅重事所以自卑而尊先祖也

嘉事嘉禮也宗

伯掌五禮有吉禮有凶禮有賓禮有軍禮有嘉禮而冠屬嘉禮周禮曰以昏冠之禮親成男女也

冠義

冠義始冠之緇布之冠也

記注始冠三加先加緇布冠也

大古冠布齊

則緇之其緇也孔子曰吾未之聞也

大古唐虞以上緇纓飾未之聞大古

質無飾古始冠冠其齊冠白布冠今之喪冠是也

注太古無飾非時人緇也雜記曰大白緇布之冠不緇

大白即太古白布冠今喪冠也齊則緇之者鬼神尚幽闇也唐虞以上曰太古也

冠而敝之可

也

記注此重古而冠之耳三代改制齊冠不復用也以白布冠質以為喪冠也

適子冠於阼

以著代也

記注東序少北近主位也

醺於客位加有成也

每加而有成人之道

也成人則益尊醺於客位尊之也記注

三加彌尊喻其志也

記注始加緇布冠次皮弁

次爵弁冠益尊則志益大也

冠而字之敬其名也

名者質所受於父母冠成人益文故

敬之未成人之時呼之

委貌周道也章甫殷道也毋追夏后

氏之道也

或謂委貌為玄冠委猶安也言所以安正容貌章明也殷質言以表明丈夫也甫或為父

今文為斧毋發聲也追猶堆也夏后氏質以其形名之三冠皆所常服以行道也其制之異同未之聞記注

常所服以行道之冠也或謂委貌為玄冠也

周弁殷尋夏收

弁名出於槃槃大也言以自光

大也尋名出於幠幠覆也言所以自覆飾也收言所以收斂髮也齊所以服而祭也其制之義未之聞記注

齊所服而祭也

三王共皮弁素積

質不變所不易於先代

無大夫冠禮

而有其昏禮古者五十而后爵何大夫冠禮之有

據時有未

冠而命為大夫者周之初禮年未五十而有賢才者試以大夫之事猶服士服行士禮二十而冠急成人也五

十乃爵重官人也大夫或時改娶有昏禮是也記注言年五十乃爵為大夫也其有昏禮或改取也

諸

侯之有冠禮夏之末造也

造作也自夏初以上諸侯雖父死子繼年未滿五十者亦

服士服行士禮五十乃命也至其衰末上下相亂纂弒所由生故作公侯冠禮以正君臣也坊記曰君不與同

姓同車與異姓同車不同服示民不嫌也以此坊民民猶得同姓以弒其君冠記注言夏初以上諸侯雖有

幼而即位者猶以士禮冠之亦五十乃爵命也至其衰末未成人者多見纂弒乃更即位則爵命之以正君臣

而有諸侯之冠禮

天子之元子士也天下無生而貴者也

元子世子

也無生而貴皆由下升

記注儲君副主猶云士也明人有賢行著德乃得貴也

繼世以立諸

侯象賢也

象法也為子孫行法先祖之賢故使之繼世也記注賢者子孫恒能法其先祖德行

以官爵人德之殺也

殺猶衰也德大者爵以大官德小者爵以小官記注言德益厚官

益尊死而謚今也古者生無爵死無謚

今謂周衰記之時也古謂殷前

士生不為爵死不為謚周制以士為爵死猶不為謚耳下大夫也今記之時死則謚之非也謚之由魯莊公始

也記注古謂殷以前也大夫以上乃謂之爵死有謚也周制爵及命士雖及之猶不謚耳今記時死則謚之非

禮也

士冠記郊特牲同



禮書綱目卷一

欽定四庫全書

禮書綱目卷二

婺源江永撰

士昏禮

嘉禮三

經

鄭目錄云士娶妻之禮以昏為期因而名焉必以昏者陽往而陰來日入三商為昏於五禮屬嘉禮

焉

昏禮下達納采用鴈

達通達也將欲與彼合昏姻必先使媒氏下通其言女氏許之後乃

使人納其采擇之禮詩云娶妻如之何匪媒不得昏必由媒交接設紹介皆所以養廉恥納采而用鴈為摯者取其順陰

主人筵於戶西西上右几

主人女父也筵為神布席也戶西者

尊處將以先祖之遺體許人故受其禮于禰廟也席西上右設几神不統於人席有首尾

使者玄端

至

使者夫家之屬若羣吏使往來者玄端士莫夕之服又服以事其廟有司緇裳

擯者出請事

入告

擯者有司佐禮者請問也禮不必事雖知猶問之重慎也

主人如賓服迎於門

外再拜賓不答拜揖入

門外大門外不答拜者奉使不敢當其盛禮

至於廟

門揖入三揖至於階三讓

入三揖者至內雷將曲揖既曲北面揖當碑揖

主人

以賓升西面賓升西階當阿東面致命主人阼階上北

面再拜

阿棟也入堂深示親親今文阿為殿

授於楹間南面

授於楹間明為合好其節

同也南面並授也

賓降出主人降授老鴈

老羣吏之尊者



右納采 記士昏禮凡行事必用昏昕受諸禰廟

用昕使者  
用昏壻也

宗子無父母命之親皆沒已躬命之

宗子者適長子也命之命使者母命之在春秋紀  
裂繻來逆女是也躬猶親也親命之則宋公使公

孫壽來納幣是也言宗子無父是有父者禮七  
十老而傳八十齊喪之事不及若是者子代其父

為宗子其取  
也父命之支子則稱其宗 支子庶昆弟也稱弟  
其宗子命使者

則稱其兄 弟宗子  
母弟 辭無不腆無辱 腆善也賓不稱  
幣不善主人不

謝來 摯不用死 摯鴈也 昏辭曰吾子有惠既室某

也 昏辭摯者請事告之辭吾子謂女父也稱  
有惠明下達既賜也室猶妻也某壻名 某有先

人之禮使某也請納采

某壻父名也某也使名也

對曰某之子

蠢愚又弗能教吾子命之某不敢辭

對曰者擯出納賓之辭某

女父名也吾子謂使者古文弗為不無能字

致命曰敢納采

擯者出請

不必賓之事有無

賓執鴈請問名主人許賓入授如

初禮

問名者將歸卜其吉凶古文禮為醴

右問名 記問名主人受鴈還西面對賓受命乃

降

受鴈於兩楹間南面還於阼階上對賓以女名

問名曰某既受命將加

諸卜敢請女為誰氏

某使者名也誰氏者譙也

對曰吾

子有命且以備數而擇之某不敢辭

卒曰某氏不記之者明為

主人之女

擯者出請賓告事畢入告出請醴賓

此醴亦當為禮禮賓者欲厚之

賓

禮辭許

禮辭一辭

主人徹几改筵東上側尊甒醴於房中

徹几

改筵者鄉為神今為人側尊亦言無玄酒側尊於房中亦有籩有豆如冠禮之設

主人迎賓於

廟門外揖讓如初升主人北面再拜賓西階上北面答

拜主人拂几授校拜送賓以几辟北面設於坐左之西

階上答拜

拂拭也拭几者尊賓新之也校几足辟逋遁古文校為枝

贊者酌醴加角

柶面葉出於房

贊佐也佐主人酌事也贊者亦洗酌加角柶覆之如冠禮矣出房南面待主人迎

受古文葉作揭

主人受醴面枋筵前西北面賓拜受醴復位主

人阼階上拜送

主人西北面疑立待賓即筵也賓復位於西階上北面明相尊敬此筵不主為

飲食起

贊者薦脯醢

薦進

賓即筵坐左執觶祭脯醢以柶祭

醴三西階上北面坐啐醴建柶興坐奠觶遂拜主人答

拜

即就也左執觶則祭以右手也凡祭於脯醢之豆間必所為祭者謙敬示有所先也啐嘗也嘗之者成主

人意建猶扱也興起也奠停也

賓即筵奠於薦左降筵北面坐取脯主人

辭

薦左籩豆之東降下也自取脯者尊主人之賜將歸執以及命辭者辭其親徹賓降授人脯

出主人送於門外再拜

人謂使者從者授於階下西面然後出去

右醴賓

記醴曰子為事故至於某之室某有先

人之禮請醴從者

言從者謙不敢斥也今文於為于

對曰某既得

將事矣敢辭

將行

先人之禮敢固以請

主人辭固如故

某辭

不得命敢不從也

賓辭也不得命者不得許已之命

祭醴始扱

壹祭又扱再祭賓右取脯左奉之乃歸執以及命

反命謂使者問名納吉納徵請期還報於壻父

凡使者歸反命曰某既得

將事矣敢以禮告

告禮所執脯

主人曰聞命矣

納吉用鴈如納采禮

歸卜於廟得吉兆復使使者往告婚姻之事於是定

右納吉 記納吉曰吾子有貺命某加諸卜占曰

吉使某也敢告

貺賜也賜命謂許以女名也某壻父名

對曰某之子

不教唯恐弗堪子有吉我與在某不敢辭

與猶兼也古文

與為豫

納徵玄纁束帛儷皮如納吉禮

徵成也使使者納幣以成昏禮用玄纁者象陰

陽備也束帛十端也周禮曰凡嫁女娶妻入幣帛無過五兩儷兩也執束帛以致命兩皮為庭實皮鹿皮今文

纁皆作熏

右納徵 記納徵執皮攝之內文兼執足左首隨

入西上參分庭一在南

攝猶辟也兼執足者左手執前兩足右手執後兩足

左首象生曲禮曰執禽者左首隨入為門中阼狹西上中庭位併

賓致命釋外足

見文主人受幣士受皮者自東出於後自左受遂坐

攝皮逆退適東壁

賓致命主人受幣庭實所用為節士謂若中士下士不命者以

主人為官長自由也

皮帛必可制

皮帛儼皮束帛也

納幣一束束

五兩兩五尋

納幣謂昏禮納徵也十個為束貴成數兩兩者合其卷是謂五兩八尺曰尋五

兩五尋每卷二丈也合之則四十尺今謂之匹猶匹偶之云與

雜記 納徵曰吾子

有嘉命貺室某也某有先人之禮儷皮束帛使某請

納徵致命曰某敢納徵對曰吾子順先典貺某重禮

某不敢辭敢不承命

典常也法也

女子許嫁笄而醴

之稱字

許嫁已受納徵禮也笄女之禮猶冠男也使主婦女賓執其禮

祖廟未毀

教於公宮三月若祖廟已毀則教於宗室

祖廟女高祖為

君者之廟也以有總麻之親就尊者之宮教以婦德婦言婦容婦功宗室大宗之家

女子

許嫁纓

女子許嫁繫纓有從人之端也曲禮

教以婦德婦言婦

容婦功教成祭之牲用魚芼之以蘋藻

詳見昏義



請期用鴈主人辭賓許告期如納徵禮

主人辭者陽倡陰和期日宜由

夫家來也夫家必先卜之得吉日乃使使者往辭即告之

右請期

記請期曰吾子有賜命某既申受命矣

惟是三族之不虞使某也請吉日

三族謂父昆弟已昆弟子昆弟

虞度也不億度謂卒有死喪此三族者已及子皆為服期期服則踰年欲及今之吉也雜記曰大功之末可以

冠子嫁子

對曰某既前受命矣唯命是聽

前受命者申前

事曰某命某聽命於吾子

曰某壻父名也

對曰某固唯命

聽使者曰某使某受命吾子不許某敢不告期曰

某日

某吉日之甲子

對曰某敢不敬湏

湏待也

期初昏陳三鼎於寢門外東方北面上其實特豚合

升去蹄舉肺脊二祭肺二魚十有四腊一肫髀不升皆

飪設局鬲

期取妻之日鼎三者升豚魚腊也寢壻之室也北面鄉內也特猶一也合升合左右胖升

於鼎也去蹄蹄甲不用也舉肺脊者食時所先舉也肺者氣之主也周人尚焉脊者體之正也食時則祭之飯必舉之貴之也每皆二者夫婦各一耳凡魚之正十五而鼎減一為十四者欲其敵偶也腊克腊也肫或作純純全也凡腊用全髀不升者近竅賤也飪孰也局所以扛鼎鬲覆之古文純為鈞髀為脾今文局作鉉鬲皆作

密設洗於阼階東南

洗所以承盥洗之器棄水者

饌於房中醯醬二

豆菹醢四豆蕪巾之黍稷四敦皆蓋

醢醬者以醢和醬生人尚褻味蕪巾

之者六豆共巾也巾為禦塵蓋為尚溫周禮曰食齊視春時

大羹清在爨

大羹清煮肉汁也大

古之羹無鹽菜爨火上周禮曰羹齊視夏時今文清皆作汁

尊於室中北墉下有禁

玄酒在西綌冪加勺皆南枋

墉牆也禁所以廢醜者玄酒不忘古也綌粗葛今文

枋作柄

尊於房戶之東無玄酒籩在南實四爵合盃

無玄酒者

畧之也夫婦酌於內尊其餘酌於外尊合盃破斲也四爵兩盃凡六為夫婦各三爵一升曰爵

右陳器饌

記腊必用鮮魚用鮒必殺全

殺全者不餒敗

不剝傷

主人爵弁纁裳緇施從者畢玄端乘墨車從車二乘執

燭前馬

主人婿也婿為父主爵弁而纁裳玄冕之次大夫以上親迎冕服冕服迎者鬼神之鬼神之神者

所以重之親之纁裳者衣緇衣不言衣與帶而言施者空其文明其與施俱用緇施謂緣施之言施以緇緣裳象陽氣下施從者有司也乘二車從行者也畢猶皆也墨車漆車士而乘墨車攝盛也執燭前馬使從役持炬火居前婦車亦如之有祼亦如之者車同等士妻之車

自以車送之祼車裳幘周禮謂之容車有容則固有蓋

至於門外

婦家大門之外

主人筵

於戶西西上右几

主人女父也筵為神布席

女次純衣纁衽立於房

中南面

次首飾也今時髮也周禮追師掌為副編次純衣絲衣女從者畢衿玄則此衣亦玄矣衽亦緣

也。衿之言任也。以纁緣其衣象陰氣上任也。凡婦人非常施衿之衣盛昏禮為此服喪大記曰復衣不以衿明

非姆纁笄宵衣在其右

姆婦人年五十無子出而不復嫁能以婦道教人者若今時乳

母纁緇髮笄今時簪也。纁亦廣充幅長六尺宵讀為詩素衣朱綃之綃魯詩以綃為綺屬也。姆亦玄衣以綃為

領因以為名且相別耳。女從者畢袵玄纁笄被纁黼在

其後

女從者謂姪娣也詩諸娣從之祁祁如雲袵同也同玄者上下皆玄也纁禪也詩云素衣朱襮爾雅

云黼領謂之襮周禮曰白與黑謂之黼天子諸侯后夫人狄衣卿大夫之妻刺黼以為領如今偃領矣士妻始

嫁施禪黼於領上假威飾耳言被明非常服。主人玄端迎於門外西面再拜

賓東面答拜

賓

主人揖入賓執鴈從至於廟門揖入三

揖至於階三讓主人升西面賓升北面奠鴈再拜稽首

降出婦從降自西階主人不降送

賓升奠鴈拜主人不  
答明主為授女耳主

人不降送  
禮不參

壻御婦車授綏姆辭不受

壻御者親而下之  
綏所以引升車者

曲禮曰僕人之  
禮必授人綏

婦乘以几姆加景乃驅御者代

乘以几  
者尚安

舒也景之制蓋如明衣加之以為行道禦塵令衣鮮明  
也景亦明也驅行也行車輪三周御者乃代壻今文景

作壻乘其車先俟於門外

壻車在大門外乘之先者道  
之也男率女女從男夫婦剛

柔之義自此始也俟待  
也門外壻家大門外

右親迎

記父醮子

子壻也

命之辭曰往迎爾相承

我宗事

相助也宗事宗廟之事

最帥以敬先妣之嗣若則有

常

最勉也若猶女也勉帥婦道以敬其為先妣之嗣女之行則當有常深戒之詩曰大如嗣徽音

子曰諾唯恐弗堪不敢忘命賓至擯者請對曰

吾子命某以茲初昏使某將請承命

賓壻也命某某壻父名茲

此也將行也使某行昏禮來迎

對曰某固敬具以須

父醴女而

俟迎者母南面於房外

女既次純衣父醴之於房中南面蓋母薦焉重昏禮

也女奠爵於薦東立於位而俟壻至父出使擯者請事母出南面房外示親授壻且當戒女也

出於母左父西面戒之必有正焉若衣若笄母戒

諸西階上不降

必有正焉者以託戒之使不忘

父送女命之曰戒之

敬之夙夜無違命

夙早也早起夜卧命舅姑之教命古文母為無

母施衿

結帨曰勉之敬之夙夜無違宮事

帨佩巾

庶母及門

內施鞶申之以父母之命命之曰敬恭聽宗爾父

母之言夙夜無愆視諸衿鞶

庶母父之妾也鞶鞶囊也男鞶革女鞶絲

所以盛帨巾之屬為謹敬申重也宗尊也愆過也諸之也示之以衿鞶者皆託戒使識之也不示之以衣笄者尊者之戒不嫌忘之視乃正字今文作示俗誤行之

女子之嫁也母

命之往送之門戒之曰往之女家必敬必戒無違



夫子

女家夫家也婦人內夫家以嫁為歸也夫子夫也孟子

婿受綏姆辭曰

未教不足與為禮也

姆教人者

婦乘以几從者二人

坐持几相對

持几者重慎之

御婦車御輪三周

詳見昏義

婦至主人揖婦以入及寢門揖入升自西階媵布席於

奧夫入於室即席婦尊西南面媵御沃盥交

升自西階道婦入也

媵送也謂女從者也御當為逆逆迎也謂壻從者也媵沃壻盥於南洗御沃婦盥於北洗夫婦始接情有燕耻

媵御交贊者徹尊冪舉者盥出除冪舉鼎入陳於阼階道其志

南西北上七俎從設

執匕者執俎者從鼎而入設之匕所以別出牲體也俎所以載也

北面載執而俟

執俎而立俟豆先設

七者逆退復位於門東北面

西上

執匕者事畢逆退由便至此乃著其位畧賤也

贊者設醬於席前菹醢在

其北俎入設於豆東魚次腊特於俎北

豆東且醢之東

贊設黍於

醬東稷在其東設滹於醬南

饌要方也

設對醬於東

對醬婦醬也設

之當特俎

菹醢在其南北上設黍於腊北其西稷設滹於醬北御

布對席贊啟會卻於敦南對敦於北

啟發也今文啟作開古文卻為綌

贊告具揖婦即對筵皆坐皆祭薦黍稷肺

贊者西面告饌具也婿揖

婦使即席薦菹醢

贊爾黍授肺脊皆食以滹醬皆祭舉食舉也

爾移也移置席上便其食也皆食食黍也以用  
也用者謂用口啜清用指啐醬古文黍作稷

三飯卒

食

卒已也同牢示親不主  
為食起三飯而成禮也

贊洗爵酌醕主人主人拜受

贊戶內北面答拜醕婦亦如之皆祭

醕漱也醕之言演  
也安也漱所以潔

口且演安其所  
食醕酌內尊

贊以肝從皆振祭臠肝皆實於菹豆

肝

炙也飲酒宜  
有肴以安之

卒爵皆拜贊答拜受爵再醕如初無從三

醕用盞亦如之

亦無  
從也

贊洗爵酌於戶外尊入戶西北面

奠爵拜皆答拜坐祭卒爵拜皆答拜興

贊酌者  
自酢也

主人出

婦復位

復尊西南  
面之位

乃徹於房中如設於室尊否

徹室中  
之饌設

於房中為媵御餞之徹尊不設有外尊也

主人說服於房媵受婦說服於室

御受姆授巾

巾所以自潔清今文說作稅

御衽於奧媵衽良席在東

皆有枕北止

衽卧席也婦人稱夫曰良孟子曰將良人之所之止足也古文止作趾

主人

入親說婦之纓

入者從房還入室也婦人十五許嫁笄而禮之因著纓明有繫也盖以五采為

之其制未聞

燭出

昏禮畢將卧息

媵餞主人之餘御餞婦餘贊酌外

尊醕之

外尊房戶外之東尊

媵侍於戶外呼則聞

為尊者有所徵求今文侍作待

右婦至

記婦入寢門贊者徹尊徹罍酌玄酒三

屬於尊棄餘水於堂下階間加勺

屬注也玄酒泔水貴新昏禮又

貴新故事至乃取  
之三注於尊中

夙興婦沐浴纚笄宵衣以俟見

夙早也昏明日之晨興起也俟待也待見於舅

姑寢門之外古者命士以上年十五父子異宮

質明贊見婦於舅姑席於阼階

舅即席席於房外南面姑即席

質平也房外房戶外之西古文舅皆作咎婦

執笄棗栗自門入升自西階進拜奠於席

笄竹器而衣者其形蓋如

今之筓簋簋矣進拜者進東面乃拜奠之者舅尊不敢授也

舅坐撫之興答拜婦還

又拜

還又拜者還於先拜處拜婦人與丈夫為禮則俠拜

降階受笄股脩升進北

面拜奠於席姑坐舉以興拜授人

人有司姑執笄以起答婦拜授有司徹舅

則宰  
徹之

右婦見 記筭緇被纁裏加於橋舅答拜宰徹筭

被表也筭有衣者婦見舅姑以飾為敬  
橋所以履筭其制未聞今文橋為鎬

婦見舅姑

兄弟姑姊妹皆立於堂下西面北上見已

婦來為供

養也其見主於尊者兄弟以下在位是為已見不得特見見諸父各就其寢

旁尊

也亦為見時  
不來 雜記

贊醴婦

醴當為禮贊禮婦者以婦道新成親厚之

席於戶牖間

室戶西牖側東南面位

尊醴醴於房中婦疑立於席西

疑正立自定之貌

贊者酌醴加

柶面枋出房席前北面婦東面拜受贊西階上北面拜

送婦又拜薦脯醢

婦東面拜贊北面答之變於丈夫始冠成人之禮

婦升席左

執觶右祭脯醢以柶祭醴三降席東面坐啐醴建柶興

拜贊答拜婦又拜奠於薦東北面坐取脯降出授人於

門外

奠於薦東升席奠之取脯降出授人親徹且榮得禮人謂婦氏人

右醴婦

記婦席薦饌於房

詳見饗婦章

舅姑入於室婦盥饋

饋者婦道既成成以孝養

特豚合升側載無魚

腊無稷並南上其他如取女禮

側載者右胖載之舅姐左胖載之姑姐異尊卑

並南上者舅姑共席於奧其饌各以南為上其他謂婦醬清菹醢女謂婦也如取婦同牢時今文並當作併婦

贊成祭卒食一醕無從

贊成祭者授處之今文無成也

席於北牖下

牖牆也室

中北牆下婦徹設席前如初西上婦餽舅辭易醬

婦餽者即席將餽也

辭易醬者嫌汴汙

婦餽姑之饌御贊祭豆黍肺舉肺脊乃食卒

姑醕之婦拜受姑拜送坐祭卒爵姑受奠之

奠之奠於篚婦

徹於房中媵御餽姑醕之雖無娣媵先於是與始飯之

錯

古者嫁女必姪娣從謂之媵姪兄之子娣女弟也娣尊姪卑若或無娣猶先媵客之也始飯謂舅姑錯者媵

餽舅餘御餽姑餘也古文始為姑



右婦饋

舅姑共饗婦以一獻之禮舅洗於南洗姑洗於北洗奠

酬

以酒食勞人曰饗南洗在庭北洗在北堂設兩洗者獻酬酢以潔清為敬奠酬者明正禮成不復舉凡酬

酒皆奠於薦左不舉舅姑先降自西階婦降自阼階授

其燕則更使人舉爵室使為主歸婦俎於婦氏人言俎則饗禮有牲矣婦氏

明代已以婦俎當以反命於女之父母明其得禮也

右饗婦 記婦席薦饌於房醴婦饗婦饗婦姑薦之席薦也

焉舅姑共饗婦舅婦洗在北堂直室東隅籩在東

獻爵姑薦脯醢

北面盥

洗在北堂所謂北洗北堂房中半以北洗南北直室東隅東西直房戶與隅間婦

酢舅更爵自薦

更爵男女不相因也

不敢辭洗舅降則辟於

房不敢拜洗

不敢與尊者為禮

凡婦人相饗無降

姑饗婦人送者

於房無降者以北洗篚在上

庶婦則使人醺之婦不饋

庶婦庶子

之婦也使人醺之不饗也酒不酬酢曰醺亦有脯醢適婦酌之以醴尊之庶婦酌之以酒卑之其儀則同不饋者共養統於適也

舅饗送者以一獻之禮酬以束錦

送者女家有司也爵至酬賓又從之以束

錦所以相厚古文錦皆作帛

姑饗婦人送者酬以束錦

婦人送者隸子弟之妻妾

凡饗連之

若異邦則贈丈夫送者以束錦

贈送也就賓館

### 右饗送者

若舅姑既沒則婦入三月乃奠菜

沒終也奠菜者以筮祭菜也蓋用筮

席於

廟與東面右几席於北方南面

廟考妣之廟北方牖下

祝盥婦盥於

門外婦執筭菜祝帥婦以入祝告稱婦之姓曰某氏來

婦敢奠嘉菜於皇舅某子

帥道也入入室也某氏者齊女則曰姜氏魯女則曰姬氏

來婦言來為婦婦拜扱地坐奠菜於几東席上還又拜

如初

扱地手至地也婦人扱地猶男子稽首

婦降堂取筭菜入祝曰某氏來

婦敢告於皇姑某氏奠菜於席如初禮

降堂階上也室事交于戶今降

堂者敬也於姑言敢告舅尊於姑

婦出祝闔牖戶

凡廟無事則閉之

老醴婦於

房中南面如舅姑醴婦之禮

因於廟見禮之

壻饗婦送者丈夫

婦人如舅姑饗禮

右廟見 記婦入三月然後祭行

入夫之室三月之後於祭乃行

謂助祭也

若不親迎則入三月然後壻見曰某以得為外昏姻請

覲

女氏稱昏婿氏稱姻覲見也

主人對曰某以得為外昏姻之數某

之子未得濯漑於祭祀是以未敢見今吾子辱請吾子

之就宮某將走見

主人女婦也以白造緇曰辱

對曰某以非他故不

足以辱命請終賜見

非他故彌親之辭命謂將走見之言今文無終賜

對曰某

以得為昏姻之故不敢固辭敢不從

不言外亦彌親之辭今文曰外昏姻

主人出門左西面壻入門東面奠摯再拜出

出門出內門入門入

大門出內門不出大門者異於賓客也壻見於寢奠摯者壻有子道不敢授也摯雄

擯者以摯出

請受

欲使以賓客禮相見也

壻禮辭許受摯入主人再拜受壻再

拜送出

出已見女父

見主婦主婦闔扉立於其內

主婦主人之婦也見

主婦者兄弟之道宜相親也閭扉者婦人無外事扉左扉壻立於門外東面主婦一

拜壻答再拜主婦又拜壻出

必先一拜者婦人於丈夫必俛拜

主人請

醴及揖讓入醴以一獻之禮主婦薦奠酬無幣

及與也無幣異

於賓客壻出主人送再拜

右壻見婦之父母

記補

昏義

嘉禮四

昏禮者將合二姓之好上以事宗廟而下以繼後世也故君子重之是以昏禮納采問名納吉納徵請期皆主

入筵几於廟而拜迎於門外入揖讓而升聽命於廟所

以敬慎重正昏禮也

聽命謂主人聽使者所傳壻家之命

父親醮子而命

之迎男先於女也子承命以迎主人筵几於廟而拜迎

於門外壻執鴈入揖讓升堂再拜奠鴈蓋親受之於父

母也降出御婦車而壻授綏御輪三周先俟於門外婦

至壻揖婦以入共牢而食合卺而醑所以合體同尊卑

以親之也

酌而無酬酢曰醢醢之禮如冠醢與其異者於寢耳壻御婦車輪三周御者代之壻自乘

其車先道之歸也共牢而食合卺而醑成婦之義

敬慎重正而后親之禮之大

體所以成男女之別而立夫婦之義也男女有別而后夫婦有義夫婦有義而后父子有親父子有親而后君

臣有正故曰昏禮者禮之本也

言子受氣性純則孝孝則忠也

夙興婦

沐浴以俟見質明贊見婦於舅姑執笄棗栗服脩以見

贊醴婦婦祭脯醢祭醴成婦禮也

成其為婦之禮也贊醴婦當作禮聲之誤

也舅姑入室婦以特豚饋明婦順也

以饋明婦順者供養之禮主於孝順

厥明舅姑共饗婦以一獻之禮奠酬舅姑先降自西階

婦降自阼階以著代也

言既獻之而授之以室事也降者各還其燕寢婦見及饋饗於



適寢昏禮不言厥明此言之成婦禮明婦順又申之以者容大夫以上禮多或異日

著代所以重責婦順焉也婦順者順於舅姑和於室人

而后當於夫以成綵麻布帛之事以審守委積蓋藏

室人謂女

姑女叔諸婦也當猶稱也後言稱夫者不順舅姑不和室人雖有善者猶不為稱夫也

是故婦順

備而后內和理內和理而后家可長久也故聖王重之

順備者行和當事成審也

是以古者婦人先嫁三月祖廟未毀教於

公宮祖廟既毀教於宗室教以婦德婦言婦容婦功教

成祭之牲用魚芼之以蘋藻所以成婦順也

謂天子諸侯同姓者

嫁女必就尊者教成之教成之者女師也祖廟女所出之祖也公君也宗室宗子之家也婦德貞順也婦言辭令也婦容婉婉也婦功絲麻也祭之祭其所出之祖也魚蘋藻皆水物陰類也魚為俎寔蘋藻為菜羹祭無牲牢告事耳其齊盛用黍云君使有司告之宗子之家若其祖廟已毀則為壇而告焉 昏義 天地合

而后萬物興焉夫昏禮萬世之始也取於異姓所以附

遠厚別也

多同姓或取相襲也

幣必誠辭無不腆

誠信也腆猶善也

告之

以直信

直猶正也此二者所以教婦正直信也

信事人也信婦德也

事猶立也

壹與之齊終身不改故夫死不嫁

齊謂共牢而食同尊卑也齊或為醢男

子親迎男先於女剛柔之義也天先乎地君先乎臣其義

一也

先謂倡道也

執摯以相見敬章別也

言不敢相褻也摯所奠鴈也

男

女有別然後父子親父子親然後義生義生然後禮作

禮作然後萬物安

言人倫有別則氣性醇也

無別無義禽獸之道也

言聚麀之亂類也

壻親御授綏親之也親之也者親之也

言已親之

言聚麀之亂類也

敬而親之先王之所以得天下也

先王若太王文王出

乎大門而先男帥女女從男夫婦之義由此始也

先者居車

前婦人從人者也幼從父兄嫁從夫夫死從子

從謂順其教令

逆也

夫也者夫也夫也者以智帥人者也

夫之言丈夫也夫或為傅

玄冕齊戒鬼神陰陽也將以為社稷主為先祖後而可

以不致敬乎

玄冕祭服也陰陽謂夫婦也

共牢而食同尊卑也故婦

人無爵從夫之爵坐以夫之齒

爵謂夫命為大夫則妻為命婦

器用陶

匏尚禮然也

此謂大古之禮器也

三王作牢用陶匏

言太古無共牢之禮三王

之世作之而用大古之器重夫婦之始也

厥明婦盥饋舅姑卒食婦餽餘私

之也

私之猶言恩也

舅姑降自西階婦降自阼階授之室也

明當

為家事之主也

昏禮不用樂幽陰之義也樂陽氣也

幽深也欲使婦深思

其義不以陽散之也

昏禮不賀人之序也

序猶代也郊特牲

日月以告

君周禮凡取判妻入子者媒氏書之以告君謂此也齊戒以告鬼神昏禮凡受女之禮皆

於廟為神席以告鬼神謂此也為酒食以召鄉黨僚友會賓客也以厚其別

也厚重慎也孔子曰嫁女之家三夜不息燭思相離

也親骨肉也取婦之家三日不舉樂思嗣親也重世變也三月而

廟見稱來婦也擇日而祭於禰成婦之義也謂舅姑沒者也必祭

成婦義者婦有共養之禮猶舅姑存時盥饋特豚於室曾子問子云夫禮坊民所

淫章民之別使民無嫌以為民紀者也淫猶貪章明也嫌嫌疑也故

男女無媒不交無幣不相見恐男女之無別也重男女之會所

以遠別之於禽獸也。有幣者必有媒。有媒者以此坊民。不必有幣。仲春之月。會男女之時。不必待幣。

民猶有自獻其身

獻進也

昏禮。壻親迎。見於舅姑。舅姑承

子以授壻。恐事之違也。

舅姑妻之父母也。妻之父為外舅。妻之母為外姑。父戒女曰。夙

夜無違。命母戒女曰。無違宮事。

以此坊民。婦猶有不至者。

不至不親夫。以孝舅姑也。

春秋成公九年春二月。伯姬歸於宋。夏五月。季孫行父如宋。致女。是時宋共公不親迎。恐其有違而致之也。

坊記

昏姻之禮。所以明男女之別也。

昏姻謂嫁娶也。壻曰昏。妻曰姻。

昏姻

之禮廢。則夫婦之道苦。而淫辟之罪多矣。

苦謂不至不答之屬。經

解

孔子曰。凡民淫亂者。生於男女無別。男女無別。則夫

婦失義昏禮聘饗者所以別男女明夫婦之義也男女  
既別夫婦既明故雖有淫亂之獄而無陷刑之民其有  
犯淫亂之獄者則飭昏聘之禮

家語

子張曰女子必漸

乎二十而後嫁何也孔子曰十五許嫁而從夫是陽動  
而陰應男唱而女隨之義也以為績組紉織紵者女子  
之所有事也黼黻文章之美婦人之所有大功也必十  
五以往漸乎二十然後可以通乎此事通乎此事然後  
乃能孝於舅姑下以事夫養子也

孔叢子

哀公問於孔

子曰禮男必三十而有室女必二十而有夫也豈不晚哉孔子對曰夫禮言其極也不是過也男子二十冠有為人父之端女子十五許嫁有適人之道於此而往則為昏矣羣生閉藏乎陰而為化育之始

陰謂冬也冬藏物而為化育始

故聖人因時以合偶男女窮天數也

窮極也

霜降而婦功

成嫁娶者行焉

季秋霜降嫁娶者始於此時詩云將子無怒秋以為期也

冰泮而農

桑起婚禮而殺於此

泮散也正月農事起蚕者採桑昏禮始殺言未止也至於二月農事

始起會男女之無夫家者奔者期盡此月也詩云士如歸妻迨冰未泮言如欲使妻歸當及冰未泮散之時



男子者任天道而長萬物者也知可為知不可為知可

言知不可言知可行知不可行者也是故審其倫而明

其別謂之知所以効匹夫之聽也聽宜作德女子者順男子

之教而長其理者也為男子長養其理分是故無專制之義而有

三從之道幼從父兄既嫁從夫夫死從子言無再醮之

端始嫁言醮禮無再醮之端言不改事人所以謂夫死不嫁教令不出於閨門事在

供飲食而已無閭外之非儀也閨門限婦人以自專無閨外之威儀詩云無非

無儀唯酒食是議孟子之母曰婦人之職精五飯糲養舅姑縫衣裳而已故有閨門之修而無閨外之志

不越境而奔喪事無擅為行無獨成參知而後動可驗而後言晝不遊庭夜行以火所以効匹婦之德也孔子

遂言曰女有五不取逆家子者謂其逆德也

何休曰廢人倫也

亂家子者謂其亂倫

何休曰類不正也

世有刑人者謂其棄於

人也有惡疾子者謂其棄於天也喪父長子

何休作喪父長女

謂其無受命也

何休曰無教戒也

婦有七出三不去七出者不

順父母出者謂其逆德也無子者謂其絕世也姪僻者

謂其亂族嫉妬者謂其亂家惡疾者謂其不可供粢盛

多口舌者謂其離親竊盜者謂其反義三不去者謂其

有所取無所歸一也

何休取作受又云不窮窮也

與其更三年之喪

二也

何休曰不忘恩也

先貧賤後富貴三也

何休曰賤取貴凡不去不背德也

此聖人所以順男女之際重昏姻之始也

家語

哀公曰

敢問為政如之何孔子對曰夫婦別父子親君臣嚴三

者正則庶物從之矣

庶物猶衆物也

古之為政愛人為大所以

治愛人禮為大所以治禮敬為大敬之至矣大昏為大

大昏至矣大昏既至冕而親迎親之也親之也者親之

也是故君子興敬為親舍敬是遺親也弗愛不親弗敬不

正愛與敬其政之本與

大昏國君取禮也至矣言至大也興敬為親言相敬則親公

曰寡人願有言然冕而親迎不已重乎

已猶太也怪親迎乃服祭服

孔子愀然作色而對曰合二姓之好以繼先聖之後以

為天地宗廟社稷之主君何謂已重乎

先聖周公也

孔子曰

天地不合萬物不生大昏萬世之嗣也君何謂已重焉

孔子遂言曰內以治宗廟之禮足以配天地之神明出

以治直言之禮足以立上下之敬物耻足以振之國耻

足以興之為政先禮禮其政之本與

也宗廟之禮祭宗廟也夫婦配天地有

日月之象焉禮器曰君在阼夫人在房大明生於東月生於西此陰陽之分夫婦之位也直猶正也正言謂出政教也政教有夫婦之禮焉昏義曰天子聽外治后聽內治教順成俗外內和順國家理治此之謂盛德物猶事也事耻臣耻也振猶救也國耻君耻也君臣之行有可耻者禮足以救之足以興復之孔子遂言

曰昔三代明王之政必敬其妻子也有道妻也者親之主也敢不敬與子也者親之後也敢不敬與君子無不敬也敬身為大身也者親之枝也敢不敬與不能敬其身是傷其親傷其親是傷其本傷其本枝從而亡三者百

姓之象也身以及身子以及子妃以及妃君行此三者

則愼乎天下矣大王之道也如此國家順矣

愼猶至也  
大王居也

為狄所伐乃曰土地所以養人也君子示以其所養害  
所養乃去之岐是言百姓之身猶吾身也百姓之妻子

猶吾妻子也不忍以土地之故而害  
之去之岐而王逆興焉  
哀公問

既內自盡又外

求助昏禮是也故國君取夫人之辭曰請君之王女與

寡人共有敝邑事宗廟社稷此求助之本也

言玉女者  
美言之也

君子於玉比  
德焉  
祭統娶妻不先告廟者示不必安也昏禮請

期不敢必也遣女於禰廟者重先人之遺支體也不敢自

專故告禰也去不辭戒不諾者蓋耻之重去也婦入三  
月然後祭行舅姑既沒亦婦入三月奠菜於廟三月一  
時物有成者人之善惡可得知也然後可得事宗廟之  
禮未廟見而死歸葬於女氏之黨示未成婦也夫有惡  
行妻不得去者地無去天之義也天子諸侯一娶九女  
何重國家廣繼嗣也娶九女亦足以承君之施也九而  
無子百亦無益也王度記曰天子諸侯一娶九女娶一  
國則兩國媵之皆以姪娣從也或曰天子娶十二女法

天有十二月萬物必生也必一娶何防淫佚也為其棄德嗜色故一娶而已人君無再娶之義也備姪娣從者為其不相嫉妬也一人有子三人共之若已有之也不娶兩娣何傳異氣也娶三國女何異類也恐一國血脈相似俱無子也姪娣年少猶從適人者明人君無再娶之義還待年於父母之國未任答君子也娶妻如之何卜女之德知相宜否人君及宗子無父母自定娶者卑不主尊賤不主貴也大夫功成受封得備八妾者重國



家廣繼嗣也不更聘大國者不忘本適也天子諸侯之  
世子皆以諸侯禮娶與君同示無再娶之義也不娶同  
姓者重人倫防淫佚耻與禽獸同也外屬小功以上亦  
不得娶也王者嫁女必使同姓諸侯主之何婚禮貴和  
不可相答為傷君臣之義亦欲使女不以天子尊秉諸  
侯也必使同姓者以其同宗共祖可以主親故使攝父  
事也卿大夫一妻二妾者何尊賢重繼嗣也不備姪娣  
何北面之勢不足盡人骨肉之親士一妻一妾何下卿

大夫也婦人所以有師何學事人之道也學一時足以成矣與君有總麻之親者教於公宮三月與君無親者各教於宗廟宗婦之室國君取大夫之妾士之妻老無子而明於婦道者又祿之使教宗室五屬之女大夫士皆有宗族自於宗子之室學事人也女必有傅姆何尊之也

白虎通

魯師春姜曰夫婦人以順從為務貞慤為

首故婦人事夫有五平旦纚笄而朝則有君臣之嚴沃盥饋食則有父子之敬報反而行則有兄弟之道受期

必誠則有朋友之信寢席之交而後有夫婦之際

列女傳

白虎通云婦人學事舅姑不學事夫淑櫛緝笄總而朝君臣之道也惻隱之恩父子之道也會計有無兄弟之道也閨閭之內衽席之上朋友之道也與此小異



禮書綱目卷二

欽定四庫全書

經部

禮書綱目卷三

四

詳校官監察御史<sub>臣</sub>左周

給事中<sub>臣</sub>溫常綬覆勘

總校官進士<sub>臣</sub>何思鈞

校對官中書<sub>臣</sub>金光悌

謄錄監生<sub>臣</sub>俞鳳

欽定四庫全書

禮書綱目卷三

婺源江永撰

冠昏記

嘉禮五

補

大宗伯以嘉禮親萬民以昏冠之禮親成男女

親其性成其性

春 黨正凡其黨之昏冠教其禮事掌其禁戒

其黨之民

官地

男子二十而冠冠而列丈夫三十而娶女子十

五而許嫁二十而嫁

禮二十而冠冠而在丈夫之列燕周曰國不可久無儲貳故天子諸

侯十五而冠十五而娶娶必先冠以夫婦之道王教之本不可以童子之道治之禮十五而成童以次成人欲人君之早有繼體故因之以為節書稱成王十五而冠著在金縢周禮媒氏曰令男三十而娶女二十而嫁內則曰女子十五而笄說曰許嫁也是故男自二十以及三十女自十五以及二十皆得以嫁娶先是則速後是則晚凡人嫁娶或以賢淑或以方類豈但年數而已若必差十年乃為夫婦是廢賢淑方類苟比年數而已禮何為然哉則三十而娶二十而嫁說嫁娶之限蓋不得復過此爾故舜年三十無室書稱曰鰥周禮云女子年二十未有嫁者仲春之月奔者不禁奔者不待禮聘因媒請嫁而已矣甯謂禮為夫之姊妹服長殤年十九至十六如此男不必三十而娶女不必二十而嫁明矣此又士大夫之禮文十二年穀梁傳

孫祖廟未毀雖為庶人冠娶妻必告

告於君也  
文王世子

五廟之

右通論 二月綏多士女綏安也冠子娶婦之時也

夏小  
正

始冠緇布冠自諸侯下達冠而敝之可也

本太古耳非時王之法服

也玄冠朱組纓天子之冠也緇布冠續纁諸侯之冠也

皆始冠之冠也玄冠委貌也諸侯緇布有纁尊者飾也續或作繪纁或作緼

玉藻

公冠自為

主

家語作公冠則以卿為賓無介公自為主

迎賓揖升自阼立於席

公堂深異於士

家語席下有北字

既醴降自阼

君尊故其降也不使就賓階也家語此句上有其醴也則如

士饗之以三獻之禮字

其餘自為主者其降也自西階以異

不敢終於



正家語作諸侯非公而自為其餘皆公同也為迎賓升阼之

等家語公玄端與皮弁皆鞞玄端緇布冠及玄冠之服也家語無公皆鞞

字下有異字疑是鞞字之誤朝服素鞞玄端諸侯之服皮弁天子公

冠四加玄冕四當為三玄當為袞字之誤家語冕下有祭字之饗之以三獻之

禮饗賓也士於賓以一獻無介於饗而贊冠者退為衆賓者君禮於臣本無介

矣家語在無樂亦饗時也冠者成人代父始宜盡孝子之感不可以歡樂取之孔子曰取

婦之家三日不舉樂思嗣親也然則冠禮一舉樂可也春秋左氏傳曰以金石之樂節之為冠時為節也注

一下疑脫皆玄端君臣同服家語其醕幣朱錦采四日不二字

馬其慶也

其慶賓也如是於賓則束帛乘馬無其慶也

家語作其酬幣

天子儼焉

儼公禮也

太子與庶子其冠皆自為主

王侯自主之重言天子誤也天子以下

家語作王太子庶子之冠擬焉皆天子自為主按鄭其注重言天子恐皆下本有天子字一本作重言太子

禮與士同饗賓也皆同

家禮作其禮與士無變饗下有食字大戴禮公冠近本作公

符誤也家語冠頌篇懿子問諸侯之冠其所以為賓主何也孔子答之如此

右天子諸侯冠禮

邾隱公既即位將冠使大夫

因孟懿子問禮於孔子孔子曰其禮如世子之冠

雖天子之元子猶士也其禮無變天子無生而貴

者故也懿子曰天子未冠即位長亦冠乎孔子曰古者王世子雖幼其即位則尊為人君人君治成人之事者何冠之有懿子曰然則諸侯之冠異天

子與

怪天子無冠禮而諸侯之冠如世子之冠故問之

孔子曰君薨而世

子主喪是亦冠也已人君無殊也

諸侯亦人君懿與天子無異

子曰今邾君之冠非禮也

懿子言諸侯無冠則邾君之冠非也

孔子

曰諸侯之有冠禮也夏之末造也有自來矣今無

譏焉

言有所從來故今無所譏

天子冠者武王崩成王年十有

三而嗣立周公居家宰攝政以治天下明年夏六月

既葬

周書曰歲十有二月武王崩元年六月葬

冠成王而朝於祖以見

諸侯示有君也周公命祝雍作頌曰達而勿多也

家語

勿多作未幼字誤今从大鄭曰辭多則史少則不達

祝雍辭曰使王近

於民

常得民之心也遠於年

言壽嗇於時

嗇愛也愛於時不以無事棄日

也惠於財

施舍不吝也

親賢而任能其頌曰令月吉日

王始加元服去王幼志心是袞職

朱子曰袞天子之盛服袞職謂

天子之職業也是字本欽若昊天

欽敬若順

六合是式

天地四方謂之六合言為之法式

率爾祖考永永無極此周公之

制也

家語冠頌

襄公九年十二月晉悼公以諸侯之

師伐鄭而還公送晉侯晉侯以公宴於河上問公

年季武子對曰會於沙隨之歲寡君以生

沙隨在成十六

年晉侯曰十二年矣是謂一終一星終也

歲星十二年而

一周

國君十五而生子冠而生子禮也

冠成人之服故必冠

而後

生子君可以冠矣大夫盍為冠具武子對曰君冠

必以裸享之禮行之

裸謂灌鬯酒也享祭先君行將也

以金石之

樂節之

以鐘磬為舉動之節

以先君之桃處之

諸侯以始祖之廟為桃

今寡君在行未可具也請及兄弟之國而假備焉

晉侯曰諾公還及衛冠於成公之廟

成公今衛獻公之曾祖從

衛所

假鐘磬焉禮也

左氏傳

曾子問曰將冠子冠者至揖讓而入聞齊衰大功之喪

如之何

冠者賓及贊者

孔子曰內喪則廢

內喪同門也

外喪則冠而

不醴

不醴不醴子也

徹饌而埽即位而哭如冠者未至則廢

其廢

者喪成服因喪而冠

如將冠子而未及期日而有齊衰大功小功之喪

則因喪服而冠

廢吉禮而因喪冠俱成人之服及至也

除喪不改冠乎孔

子曰天子賜諸侯大夫冕弁服於太廟歸設奠服賜服

於斯乎有冠醺無冠醴

酒為醺冠禮醴重而醺輕此服賜服酌用酒尊賜也不醴明不

為改冠改冠當醴之

父沒而冠則已冠埽地而祭於禰已祭而見

伯父叔父而后饗冠者

饗謂禮之曾子問

以喪冠者雖三年

之喪可也既冠於次入哭踊三者三乃出

言雖者明齊衰以下皆可

以喪冠也始遭喪以其冠月則喪服因冠矣非其冠月待變除卒哭而冠次廬也雖或為唯

大功之

末可以冠子可以嫁子父小功之末可以冠子可以嫁

子可以取婦已雖小功既卒哭可以冠取妻下殤之小

功則不可

此皆為可用吉禮之時父大功卒哭而可以冠子嫁子小功卒哭而可以取婦已大功卒

哭而可以冠子小功卒哭而可以取妻必偕祭乃行也下殤小功齊衰之親除喪而後可為昏禮凡冠者其時

當冠則因喪而冠之

雜記

### 右冠變禮

女子十有五年而笄

謂應年許嫁者女子許嫁笄而字之其未許嫁者二十則笄內則

女子許嫁笄而字

以許嫁為人曲禮成

女子許嫁笄而醴之稱

字

許嫁已受納徵禮也笄女之禮猶冠士昏記女雖未許嫁年



二十而笄禮之婦人執其禮

雖未許嫁年二十亦為成人矣禮之酌以成人言婦

人執其禮明非許嫁之笄也

燕則鬟首

既笄之後去之猶若女有鬟紒也雜記

### 右女子笄

子三十而有室

室猶妻也

女子二十而嫁有故二十三年而

嫁

故謂父母之喪

聘則為妻

聘問也妻之言齊也以禮見問則得與夫敵體

奔則為妾

妾之言接也聞彼有禮走而往焉以得接見於君子也奔或為銜內則

婦人謂嫁曰歸婦人

生以父母為家嫁以夫為家故謂嫁曰歸明有二歸之道隱二年公羊傳

### 右嫁娶

繫之以姓而弗別綴之以食而弗殊雖百世而昏姻不

通者周道然也

周之禮所建者長也姓正姓也始祖為正姓高祖為庶姓繫之弗別謂若今宗

室屬籍也周禮小史掌定世繫辨昭穆

大傳取妻不取同姓故買妾不知

其姓則卜之

為其近禽獸也妾賤或時非勝取之於賤者世無本繫

曲禮

右不取同姓 司空季子曰昔少典娶於有蟜氏

生黃帝炎帝

賈侍中曰少典黃帝之先有蟜諸侯也炎帝神農也虞唐云少典黃帝炎

帝之父昭謂神農三皇也在黃帝前黃帝滅其子孫耳明非神農可知也言生者謂二帝本所出也

內傳高陽高辛各有才子八人謂其裔子耳賈君得之

黃帝以姬水成炎帝

以姜水成

姬姜水名成謂所生長以成功也

成而異德故黃帝為

姬炎帝為姜異姓則異類雖近男女相及以生民

也

謂有屬名相及嫁取也

同姓雖遠男女不相及畏黷敬也

畏褻黷其類

黷則生怨怨亂毓灾灾毓滅性

毓生也

是故

娶妻避其同姓畏亂灾也

國語晉語

衛公使其大夫

求婚於季氏桓子問禮於孔子孔子曰同姓為宗

有合族之義故繫之以姓而弗別綴之以食而弗

殊

君有食族人之禮親盡不異之殊食多少也

雖百世婚姻不得通周

道然也桓子曰魯衛之先雖寡兄弟今已絕遠矣

可乎孔子曰固非禮也夫上治祖禰以尊尊也下

治子孫以親親也旁治昆弟所以敦睦也此先王

不易之教也

家語

晉侯有疾子產曰僞聞之內官不

及同姓

內官嬪御

其生不殖

殖長也

美先盡矣則相生疾

同姓之相與先美矣美極則盡盡則生病

君子是以惡之故志曰買妾

不知其姓則卜之男女辨姓禮之大司也

辨別也

今

君內實有四姬焉

同姓姬四人

其無乃是也乎

昭元年左氏傳

取妻不取同姓以厚別也

厚猶遠也

故買妾不知其

姓則卜之

妾言買者以其賤同之於衆物也士以庶之妾恒多凡庸有不知其姓故也

此坊民魯春秋猶去夫人之姓曰吳其死曰孟子

卒

吳太伯之後魯同姓也昭公取焉去姬曰吳而已至其死亦畧云孟子卒不書夫人某氏薨孟

子蓋其且字坊記

陳司敗問昭公知禮乎孔子曰知禮

陳國名司敗官名即司寇也昭公魯君名稠習於威儀之節當時以為知禮故司敗以為問而孔子

答之孔子退揖巫馬期而進之曰吾聞君子不黨

如此君子亦黨乎君取於吳為同姓謂之吳孟子君而

知禮孰不知禮

巫馬姓期名孔子弟子名施司敗揖而進之也相助匿非曰黨禮不

娶同姓而魯與吳皆姬姓謂之吳孟子者諱之使若宋女子姓者然

巫馬期以告子

曰丘也幸苟有過人必知之

孔子不可自謂諱君之惡又不可以娶同

姓為知禮故受以為過而不辭論語

天子有后有夫人有世婦有嬪有妻有妾

妻八十一御妻周禮謂之女御以其

御序於王之燕寢妾賤者

公侯有夫人有世婦有妻有妾

貶於天子也無后與

嬪去上中

王御不參一族

御婦官也參三也一族一父子也故取姪娣以備三不參

曲禮

一族之女國語周語

典瑞穀圭以聘女

穀圭亦王使之瑞節穀善也其飾若粟文

然其聘女則以  
納徵焉春官

穀圭七寸天子以聘女

納徵加於束帛

邊璋七

寸射四寸天子以巡守

射珎出者也

大璋亦如之諸侯以聘女

亦納徵加于束帛也大璋者以大璋之文飾之也  
亦如之者如邊璋七寸射四寸考工記玉人

國

君取夫人之辭曰請君之王女與寡人共有敝邑事宗廟社

稷

言玉女者美言之也君子於玉比德焉

祭統

納女於天子曰備百姓於

國君曰備酒漿於大夫曰備埽灑

納女猶致女也壻不親迎則女之家遣人

致之此其辭也姓之言生也天子皇后以下百二  
十人廣子姓也酒漿埽灑賤人之職也曲禮

大

昏既至冕而親迎

詳見昏義

親迎其禮奈何曰諸侯以屨

三兩加琮大夫庶人以屨二兩加束脩二曰某國寡小  
君使寡人奉不珍之琮不珍之履禮夫人貞女夫人曰  
有幽室數辱之產未諭於傅姆之教得承執衣裳之事  
敢不敬拜祝祝答拜夫人受琮取一兩履以履女正笄  
衣裳而命之曰往矣善事爾舅姑以順為宮室無二爾  
心無敢回也女拜乃親引其手授夫於戶夫引手出戶  
夫行女從拜辭父於堂拜諸母於大門夫先升輿執轡  
女乃升輿轂三轉然後夫下先行大夫士庶人稱其父



曰某之父某之師友使某執不珍之屨不珍之束脩敢不敬禮某氏貞女母曰有草茅之產未習於織紵紡績之事得奉箕帚之事敢不敬拜

說苑

右天子諸侯大夫昏禮 桓公八年冬祭公來遂

逆王后於紀

祭公諸侯為天子三公者王使魯主昏故祭公來受命而迎也天子無外

故因稱王后卿禮也

天子娶於諸侯使同姓諸侯為主祭公來受命於魯故

曰禮 春秋左氏傳

祭公者何天子之三公也

天子置三公九卿二十七

大夫八十一元士凡百二十官下應十

何以不稱

二子祭者采也天子三公氏采稱爵

使

公據率周稱使

婚禮不稱主人

時王者有母也

遂者何生事也

生猶造也專事之辭

大夫無遂事此其言遂何成使乎我也

以上來無事知遂成使於我

其成使乎我奈何使我為媒可則

因用是往逆矣

婚禮成於五先納未問名納吉納徵請期然後親迎時王者遣祭公

未使魯為媒可則因用魯往逆之不復成禮疾王者不重妃匹逆天下之母若逆婢妾將謂海內何

哉故譏之

女在其國稱女此其稱王后何王者無外其

辭成矣

公羊傳

其不言使焉何也不正其以宗廟

之大事即謀於我故弗與使也

時天子命祭公就魯共卜擇紀女可

中后者便逆遂繼事之辭也其曰遂逆王后故略

之不復反命之也以其遂逆無禮故不書逆女或曰天子無外

王命之則成矣

四海之濱莫非王臣王命紀女為后則已成王后不如諸侯入國乃

稱夫人或說是春秋左氏說曰王者至尊無敵無親迎之禮祭公逆王后未致京師不稱后知天

子不行而禮成也鄭君釋之曰大姒之家在郃之陽在渭之涘文王親迎於渭即天子親迎之明文

矣天子雖尊其於后猶夫婦夫婦判合禮同一體所謂無敵豈施此哉禮記哀公問曰冕而親迎不

已重乎孔子愀然作色而對曰合二姓之好以繼先聖之後以為天地宗社之主君何謂已重乎此言

親迎繼先聖之後為天地宗廟社稷之主非天子則誰乎九年春紀季

姜歸於京師

季姜桓王后也書字者申父母之尊姜紀姓

為之中者歸

之也

中謂闕與昏事春秋穀梁傳

其辭成矣則其稱紀季姜

何自我言紀父母之於子雖為天王后猶曰吾季

姜

明子尊不加於父母書紀姜歸者明魯為媒當有送迎之禮

紀姜歸者明公羊傳

靈王求

后於齊齊侯問對於晏桓子桓子對曰先王之禮

有之天子求后於諸侯諸侯對曰夫婦所生若而

人

不敢譽亦不敢毀故曰若而人

妾婦之子若而人

言非適也

無女而

有姊妹及姑姊妹則曰先守某公之女若而人齊

侯許昏王使陰里結之

陰里周大夫結成也為十五年劉夏逆王后傳

公十二年左氏傳

劉夏逆王后於齊

劉采地夏名也天子御書字劉夏非

御故書名天子無外所命則成故不言逆女

官師從單靖公逆王后於

齊卿不行非禮也

官師劉夏也天子官師非卿也劉夏獨過魯告昏故不書單靖

公天子不親昏使上卿逆而公監之故曰卿不行非禮

襄十五年春秋左氏傳

岳曰

有鰥在下曰虞舜帝曰我其試哉女於時觀厥刑

於二女釐降二女於嬀汭嬪於虞帝曰欽哉

女與

人也時是刑法也二女堯二女娥皇女英也此堯言其將試舜之意也釐理降下也嬀水名水北曰汭

蓋舜所居之地嬪婦也虞舜氏也史言堯治裝下降二女於鳩水之北使為舜婦於虞氏之家也欽哉堯戒二女之辭即禮所謂往之女家必敬必戒者況以天子之女嫁於匹夫尤不可不深戒之也

堯典

何彼穠矣美王姬也雖則王姬亦下嫁於

諸侯車服不繫其夫下王后一等猶執婦道以成

肅雝之德也

詩序

莊公元年夏單伯逆王姬逆之

者何使我主之也

逆者魯自往之文方使魯為父母主嫁之故與魯使自逆之不

言於京師者使魯主之故使若自魯女無使受之

天子嫁女於諸侯必使

諸侯同姓者主之

諸侯與天子同姓者

諸侯嫁女於大夫必

使大夫同姓者主之

大夫與諸侯同姓者不自為主者尊卑不敵其行昏姻之

禮則傷君臣之義行君臣之禮則廢昏姻之好故必使同姓有血脉之屬宜為父道與所適敵體者

主之禮尊者嫁女於卑者必特風旨為卑者不敢先求亦不可斥與之者申陽倡陰和之道天子嫁

女於諸侯脩姪娣如諸侯之禮義不可以天子之尊絕人繼嗣之路公羊傳 秋築王姬

之館於外

公在諒陰慮齊侯當親迎不忍便以禮接於廟又不敢逆王命故築舍於外

為外禮也

齊強魯弱又委罪於彭生魯不能讐齊然喪制未闕故異其禮得禮之變春

秋左氏傳

築之禮也于外非禮也

以言外知有築內之道也于外非禮也禮

同姓本有主嫁女之道必闕地於夫人之下羣其公子之上也時魯以將嫁女於讐國故築於外

築之何以禮

據禮當豫設

主王姬者必為之改築於路

寢則不可於寢則嫌

皆所以遠別也

羣公子之舍

謂女公子也

則以卑矣

以為大卑

其道必為之改築者也

以上傳言爾知當築

夫人之下羣公子之上

主王姬者必自公門出

公門朝之

外門主王姬當設几筵於宗廟以俟迎者故在公門之內築王姬之館

於廟則已尊

於寢則已卑為之築節矣築之外變之正也築之

外變之為正何也仇讐之人非所以接昏姻也衰

麻非所以接弁冕也

親迎服祭服者重昏姻也公時有桓之喪穀梁傳



文王初載天作之合在洽之陽在渭之涘文王嘉

止大邦有子

戴年合配也洽水名嘉婚禮也大邦華國也子大姒也言天於文王之初

年而默定其配所以洽陽渭涘當文王將昏之期而大邦有子也蓋曰非人之所能為也大邦

有子倪天之妹文定厥祥親迎於渭造舟為梁不

顯其光

倪磬也韓詩作磬說文云倪譬也文禮祥吉也言卜得吉而以納幣之禮定其祥也

造作梁橋也作船兩兩比之而加版於其上以通行者即今之浮橋也傳曰天子造舟諸侯維舟大

夫方舟士特舟張子曰造舟為梁文王所制而周世遂以為天子之禮也大雅大明

韓

侯取妻汾王之甥蹶父之子韓侯迎止於蹶之里

百兩彭彭八鸞鏘鏘不顯其光諸娣從之祁祁如

雲韓侯顧之爛其盈門

此言韓侯既親而還遂以親迎也汾王厲王也蹶父

周之卿士姑姓也諸娣諸侯一娶九女二國媵之皆有娣姪也祁祁徐靚也如雲衆多也大雅韓

奕

隱公二年九月紀履緌來逆女紀履緌者何

紀大夫也

以逆女不稱使知為大夫

何以不稱使婚禮不稱主

人

為養庶遠耻也

然則曷稱稱諸父兄師友宋公使公孫

壽來納幣則其稱主人何辭窮也辭窮者何無母

也

禮有母母當命諸父兄師友稱諸父兄師友以行宋公無母莫使命之辭窮故自命之自命之

則不得然則紀有母乎曰有以不稱使有則何以

不稱母據非主人何不母不通也禮婦人無外事

師友稱諸父兄師友以行耳母命不得外逆女不

禮書此何以書據伯姬歸於譏何譏爾譏始不親

迎也禮所以必親迎者所以示男先女也於廟者

於始不親迎昉於此乎前此矣以惠公妃匹不前

此則曷為始乎此託始焉爾焉爾猶曷為託始焉

爾據納幣春秋之始也春秋正夫婦之始也夫婦

不托始

正則父子親父子親則君

臣和君臣和則天下治故夫婦者人道之始王教之端內逆女常書外逆女但疾始不常書者明當先自正躬自厚而薄責於人故略外也

女曷為或稱女或稱婦或稱

夫人女在其國稱女

未離父母之辭紀履綯來逆女是也

在塗稱婦

在塗見夫服從之辭公

入國稱夫人

入國則尊尊有臣子之辭

夫人姜氏入國也紀無大夫書紀履綯者重昏禮也公羊傳

逆女親者也

親者謂自

逆之使大夫非正也

穀梁傳

桓公三年秋公子翬

如齊逆女

禮君有故則使卿逆

脩先君之好故曰公子

昏禮雖奉

時君之命其言必稱先君以為辭故公子翬逆女傳稱脩先君之好公子遂逆女傳稱尊君命互舉

其九月齊侯送姜氏於謹

謹魯地已去齊國故不言女未至於魯故不稱

夫齊侯送姜氏非禮也凡公女嫁於敵國姊妹則

上卿送之以禮於先君公子則下卿送之於大國

雖公子亦上卿送之於天子則諸卿皆行公不自

送於小國則上大夫送之

春秋左傳

諸侯越境送女

非禮也

以言姜氏也禮送女父母不下堂姑姊妹不出門公羊傳

禮送女

父不下堂母不出祭門諸母兄弟不出闕門

祭門廟門

也闕兩觀也在祭門之外

父戒之曰謹慎從爾舅之言母戒之

曰謹慎從爾姑之言諸母般申之曰謹慎從爾父

母之言

般囊也所以盛朝夕所須以脩舅姑之用

送女踰竟非禮也公

會齊侯於謹無譏乎

齊侯送女踰竟遠至於謹嫌會非禮之人當有譏

曰

為禮也齊侯來也公會逆而會之可也

為親迎子之禮

貢曰冕而親迎不已重乎

冕祭服

孔子曰合二姓之

好以繼萬世之後何謂已重乎

穀梁傳

冬齊仲年來

聘致夫人也

古者女出嫁又使大夫隨加聘問存謙敬序殷勤也在魯而出則曰致女

在他國而來則總曰聘故傳以致夫人釋之

左氏傳

齊孝公夫人孟姬

華氏長女也齊國稱其貞孝公聞之修禮親迎於  
華氏之室父母送之不下堂母醮之房中父戒之  
東階之上諸母戒之兩階之間姑姊妹戒之門內

可謂能行禮矣

列女傳

公子結媵陳人之婦於鄆

媵者何諸侯娶一國則二國往媵之以姪娣從

言往

媵女者禮君不求媵二國自往媵夫人所以一夫人之尊

姪者何兄之子也娣

者何弟也諸侯一聘九女諸侯不再娶

必以姪娣從之者欲

使一人有子二人喜也所以防嫉妬令重繼嗣也因以備尊尊親親也九者極陽數也不再娶者所

以節人情開滕路  
莊十九年公羊傳

莊公二十二年冬公如齊

納幣

納幣者納徵禮也禮曰主人受幣士受儷皮是也禮言納徵春秋言納幣者春秋質也凡昏

禮皆用鴈取其知時侯唯納徵用玄纁束帛儷皮玄纁取其順天地也儷皮者鹿皮所以重吉也

親納幣非禮也

時莊公實以淫佚大惡不可言故因其有事於納幣以無庶耻為讖

不識喪娶者舉淫為重也春秋公羊傳

納幣大夫之事也禮有納

采

采擇女之德性也其禮用鴈為贄者取順陰陽往來

有問名

問女名而卜之知吉凶也

其禮如納采

有納徵

徵成也納幣以成昏

有告期

告迎期

四者脩而

後娶禮也公之親納幣非禮也故讖之

公母喪未再期而圖



昏傳無識文但識親納幣者喪昏不待貶絕而罪惡見穀梁傳

二十四年夏

公如齊逆女親迎恒事也不志此其志何也不正其親

迎於齊也秋公至自齊迎者行見諸舍見諸

諸之也言

瞻望夫乘車

先至非正也

春秋穀梁傳

八月丁丑夫人姜

氏入戊寅大夫宗婦覲用幣

宗婦同姓大夫之婦禮小君至大夫執贄

以見明臣子之道莊公欲奢夸夫人故使大夫宗婦同贄俱見

哀姜至公使宗婦

覲用幣非禮也

傳不言大夫唯舉非常

御孫曰男贄大者玉

帛

公侯伯子男執玉諸侯世子附庸孤卿執帛

小者禽鳥

卿執羔大夫執鴈士執雉

以章物也

章所執之物別貴賤

女贄不過榛栗棗脩以告虔

也

榛小栗脩脯虔敬也皆取其名以示敬

今男女同贄是無別也男

女之別國之大節也而由夫人亂之無乃不可乎

春秋左氏傳

用者不宜用也

不宜用幣為贄也

見用幣非禮

也

以文在覲下不使齋見知非禮也

然則曷云棗栗云乎脍脩云

乎

服脩者脯也禮婦人見舅姑以棗栗為贄見女姑以服脩為贄見夫人至尊兼而用之云乎辭

也棗栗取其自謹敬脯脩取其斷斷自脩正執此者若其辭云爾所以叙情配志也日者禮夫人至

大夫皆郊迎明日大夫宗婦皆見故著其明日也大夫妻言宗婦者大夫為宗子者也公羊傳

禮大夫不見夫人不言及不正其行婦道故列

數之也男子之贄羔鴈雉

鴈雉脰贄所以至者也上大

而不黨也下大夫用鴈取其知時飛翔有行列也

士冬用雉夏用脰取其耿介交有時別有倫也脰

腊也雉必用苑為其不可生服也夏用脰脰腐臭也

婦人之贄棗栗脩棗

取其蚤自矜莊栗取其敬

用幣非禮也穀梁

栗服脩取斷斷自脩整

二年冬公子遂如齊納幣

傳曰禮也僖公喪終此

年十一月則納幣在十

二月也士昏六禮其一納采納徵始有玄纁束帛

諸侯則謂之納幣其禮與士禮不同蓋公為太子

時已行

禮也凡君即位好舅甥修昏姻娶元妃以

昏禮

奉梁盛孝也

謂諒闇既終嘉好之事通於外內外內之禮始備此除凶之即位也於是

遣卿申好舅甥之國修禮以昏姻也元妃嫡夫人奉梁盛共祭祀

孝禮之始也

春秋

左氏傳

納幣不書此何以書譏何譏爾譏喪娶也

娶在三年之外則何譏乎喪娶

據逆在四年

三年之內

不圖婚

僖公以十二月薨至此未滿二十五月又禮先納采問名納吉乃納幣此四者皆在

三年之內

娶者大吉也

合二姓之好傳之於無窮故為大吉

以為有

人心焉者則宜於此焉變矣

變者變慟哭泣也有人心念親者聞有欲

為已圖婚則當變慟哭泣矣况乃至於納幣成婚哉

四年夏迎婦姜于

齊

稱婦有姑之辭

卿不行非禮也

禮諸侯有故則使卿逆

君子是以

知出姜之不允於魯也

允信也始來不見尊貴故終不為國人所敬信也文

公薨而見出故曰出姜

曰貴聘而賤逆之

公子遂納幣是貴聘也

君而

卑之立而廢之

君小君也不以夫人禮迎是卑廢之

不允宜哉

春秋左氏

傳

成公八年春宋公使華元來聘

昏聘不使卿今華元將命

故特書之宋公無主昏者自命之故稱使也

聘其姬也

穆姜之女成公姊妹為宋共公

夫人聘不應使卿故傳發其事而已

夏宋公使公孫壽來納幣禮也

納幣應冬衛人來媵

古者諸侯娶適夫人及左右媵各有姪娣皆同姓之國國

使卿也

三人凡九女所以廣繼嗣也魯衛人來媵共姬禮

也凡諸侯嫁女同姓媵之異姓則否必以同姓者

所以息九年二月伯姬歸於宋宋不使卿夏季孫

行父如宋致女女嫁三月又使大夫隨加聘問謂

好晉人來媵媵伯姬也禮也同姓故又明年齊人來

春秋左晉韓須如齊逆女須韓起之齊陳無宇

送女致少姜少姜有寵於晉侯晉侯謂之少齊為立

別號所以謂陳無宇非卿欲使齊以適夫執諸中

都

中都晉邑

少姜為之請曰送從逆班

班列也

畏大國也

猶有所易是以亂作

韓須公族大夫陳無字上大言齊畏晉改易禮制使上

大夫送遂致此執辱之罪蓋少姜謙以示讖

昭二年左氏傳

鄭公子忽如陳

逆婦媯陳鍼子送女先配而後祖鍼子曰是不為

夫婦誣其祖矣非禮也何以能育

鍼子陳大夫禮逆婦必先告祖

廟而後行故楚公子圍稱告莊共之廟鄭忽先逆婦而後告廟故曰先配而後祖 隱八年左氏傳

莊公二十七年莒慶來逆叔姬大夫越竟逆女

非禮也

禮大夫任重為越竟逆女於政事有所損曠故竟內乃得親逆所以屈私赴公也言

叔姬者婦人以字通言叔通賤故畧與婦同文重垂離也

春秋公羊傳

諸侯之嫁

子於大夫主大夫以與之

君不敵臣云婚禮主人設几筵於

宣五年注

廟以待迎者諸侯大夫尊卑不敵故使大夫為主

來者接內也不正其接

納故不與夫婦之稱也

接內謂與君為禮也夫婦之稱當言迎女穀梁傳

來逆子叔姬傳同

宣公五年秋九月齊高固來

迎叔姬

高固齊大夫不書女歸降於諸侯

自為也

適諸侯稱女適大夫稱字所以

別尊卑也

冬齊高固及子叔姬來反馬也

禮送女留其送馬謙不敢

自安三月廟見遣使反馬高固遂與叔姬俱寧故經傳具見以示識

春秋左氏傳

楚公



子園聘於鄭且娶於公孫段氏將以衆逆

以兵入逆婦

子產患之使子羽辭曰以敝邑褊小不足以容從

者請墀聽命

欲於城外除地為墀行昏禮

令尹命太宰伯州犁

對曰君辱貶寡大夫園謂園將使豐氏撫有而室

豐氏公孫段也

園布几筵告於莊共之廟而來

莊王園之祖共王園

之若野賜之是委君貶於草莽也是寡大夫不得

列於諸卿也

言不得從卿禮

不寧唯是又使園蒙其先君

蒙欺也告先君而來不得成禮於女氏之廟故以為欺先君

將不得為寡君老

大臣稱老懼  
辱命而黜退

其蔑以復矣

昭元年  
左氏傳

俟我於著乎

而克耳以素乎而尚之以瓊華乎而

賦也俟待也  
我嫁者自謂

也著門屏之間也克耳以纊縣瓊所謂純也尚加  
也瓊華美石似玉者即所以為瑱也東萊呂氏曰

昏禮壻往婦家親迎既奠鴈御輪而先歸俟於門  
外婦至則揖以入時齊俗不親迎故女至壻門始

見其俟  
已也

俟我於庭乎而克耳以青乎而尚之以瓊

瑩乎而

庭在大門之內寢門之外瓊瑩亦美石似  
玉者呂氏曰此昏禮所謂壻道婦及寢門

揖入之  
時也

俟我於堂乎而克耳以黃乎而尚之以瓊

英乎而

瓊英亦美石似玉者呂氏曰升階而後至  
堂此昏禮所謂升自西階之時也齊風

著

大司徒施十有二教三曰以陰禮教親則民不怨

陰禮謂男

女之禮婚姻以時則男不曠女不怨地官

媒氏掌萬民之判

判半也得偶為合主

合其半成夫婦也喪服傳曰夫妻判合鄭司農云主萬民之判合

凡男女自成名以上

皆書年月日名焉

鄭司農云成名謂子生三月父名之

令男三十而娶女

二十而嫁

二三者也易曰參天兩地而倚數

凡娶判妻入子者

皆書之

書之者以別未成昏禮者鄭司農云入子者謂嫁女者也玄謂言入子者容媵姪娣不聘之者

仲春之月令會男女

中春陰陽交以成昏禮順天時也

於是時也奔者

不禁

重天時權許之也

若無故而不用令者罰之

無故謂無喪禍之變也有

喪禍者娶得用非中春之月雜記曰已雖小功既卒哭可以冠子娶妻

司男女之無夫家

者而會之

謂司猶察也無夫家謂男女之鰥寡者

凡嫁子娶妻入幣純帛無

過五兩

純實緇字也納幣用緇婦人陰也凡子娶禮必用其類五兩十端也必言兩言欲得其配合之

名十者象五行十日相成也士大夫乃以玄纁束帛天子加以穀圭諸侯加以大璋同上

黨正

凡其黨之昏教其禮事掌其禁戒

詳見首章

五廟之孫祖

廟未毀雖為庶人娶妻必告

同上

大司徒荒政十有二

聚萬民十曰多昏

鄭司農云多昏不脩禮而娶昏者多也地官

右庶人昏禮 雖雖鳴鴈旭日始旦士如歸妻迨

冰未泮

賦也雖雖聲之和也鴈鳥名似鴝畏寒秋南春北旭日初出貌昏禮納采用鴈親迎

以昏而納采請期以旦歸妻以冰泮而納采請期迨未泮之時 邛風匏有苦葉

倉庚

于飛熠燿其羽之子于歸皇駁其馬親結其縡九

十其儀

倉庚飛昏如時也熠燿鮮明也黃白曰皇駁白曰駁縡婦人之褱也母戒女而為之

施衿結縡也九其儀十其儀言其儀之多也 邇風東山篇

曾子問曰昏禮既納幣有吉日女之父母死則如之何

吉日取女之吉日

孔子曰壻使人弔如壻之父母死則女之家

亦使人弔

必使人弔者未成兄弟

父喪稱父母喪稱母

禮宜各以其敵者也

父使人弔之辭云某子聞某之喪某子使某如何不淑母則若云宋蕩伯姬聞姜之喪伯姬使某如何不淑凡

弔辭

父母不在則稱伯父世母

弔禮不可廢也伯父母又不在則稱叔父母也

壻已葬壻之伯父致命女氏曰某之子有父母之喪不

得嗣為兄弟使某致命女氏許諾而弗敢嫁禮也

必致命者

不敢以累年之喪使人失嘉會之時

壻免喪女之父母使人請壻弗取而

后嫁之禮也

請成昏

女之父母死壻亦如之

女免喪壻之父母亦使人

請其已葬時亦致命

曾子問曰親迎女在塗而壻之父母死如之

何孔子曰女改服布深衣縞總以趨喪

布深衣縞總婦人始喪未成服

服之女在塗而女之父母死則女反

奔喪服期

如壻親迎女未

至而有齊衰大功之喪則如之何孔子曰男不入改服

於外次女入改服於內次然後即位而哭

不聞喪即改服者昏禮重

于齊衰以下

曾子問曰除喪則不復昏禮乎

復猶償也

孔子曰祭

過時不祭禮也又何反於初

重踰輕也同牢及饋饗相飲食之道

曾子問

曰女未廟見而死則如之何孔子曰不遷於祖不祔於

皇姑壻不杖不菲不次歸葬於女氏之黨示未成婦也

遷朝廟也壻雖不脩喪禮猶為之服齊衰也

曾子問曰取女有吉日而女死

如之何孔子曰壻齊衰而弔既葬而除之夫死亦如之

未有期三年之忌也女服斬衰曾子問

大功之末可以嫁子父小功之

末可以嫁子可以取婦已雖小功既卒哭可以取妻下

殤之小功則不可

詳見冠變禮章

### 右昏變禮

壹與之齊終身不改故夫死不嫁

詳見昏義

右不改嫁

柏舟共姜自誓也衛世子共伯蚤死



其妻守義父母欲奪而嫁之誓而弗許故作詩以

絕之

共伯偁侯之世子詩序

汎彼柏舟在彼中河髧彼兩髦

實維我儀之死矢靡他母也天只不諒人只

興也中河

中于河也髧髮垂貌兩髦者剪髮夾囟子事父母之飾親死然後去之蓋指共伯也我共姜自稱也

儀匹之至矢誓靡無也只語助辭諒信也言柏舟則在彼中河兩髦則實我之匹雖至於死誓無他

心母之于我覆育之恩如天罔極而何其不諒我之心乎不及父者疑時獨母在或非父意耳汎

彼柏舟在彼河側髧彼兩髦實維我特之死矢靡

慝母也天只不諒人只

興也特匹也慝邪也以是為慝則其絕之甚矣鄙

風

魯寡陶嬰者魯門之女也少寡養幼孤無強

昆弟紡績為產魯人或聞其義將求焉嬰聞之恐  
不得免作歌明已之不更二也其歌曰悲夫黃鵠  
之早寡兮七年不雙宛頸獨宿兮不與衆同夜半  
悲鳴兮想其故雄天命早寡兮獨宿何傷寡婦念  
此兮泣下數行嗚呼哀哉兮死者不可忘飛鳥尚  
然兮況于貞良雖有賢雄兮終不重行魯人聞之  
曰斯女不可得已遂不敢復求嬰寡終身不改

列女

傳

梁寡高行者梁之寡婦也其為人榮於色而美於行夫死早寡不嫁梁貴人多爭欲娶之者不能得梁王聞之使相聘焉高行曰妾聞婦人之義壹往而不改以全貞信之節今忘死而趨生是不信也貪貴而忘賤是不貞也棄義而從利無以為人乃援鏡持刀以割其鼻曰妾已刑矣所以不死者不忍幼弱之重孤也於是相以報王大其義而高其行乃復其身尊其號曰高行

同上

凡諸侯之女歸寧曰來夫人歸寧曰如某

莊二十七年左氏傳

右歸寧

言告師氏言告言歸薄汚我私薄澣我

衣害澣害否歸寧父母

言辭也師女師也薄猶少也汚煩擯之以去其汚猶

治亂而曰亂也澣則濯之而已私燕服衣禮服也害何也寧安也謂問安也上章既成綌絺之服矣此章遂告其師氏使告於君子以將歸寧之意且曰盍治其私服之汚而澣其禮服之衣乎何者當澣而何者可以未澣乎我將服之以歸寧于父母矣 周南葛覃

莊公二十七

年冬杞伯姬來歸寧也

寧問父母安否春秋左氏傳

泉水衛

女思歸也嫁於諸侯父母終思歸寧而不得故作

詩以自見也

鄭箋云國君夫人父母在則歸寧沒則使大夫寧于兄弟詩序

秦嬴歸於楚

秦景公妹為楚共王夫人

楚司馬子庚聘於秦為

夫人寧禮也

子庚莊王子午也諸侯夫人父母既沒歸寧使卿故曰禮襄十二年左

氏傳

婦有七出不順父母無子姪僻嫉妬惡疾多口舌竊盜

詳見昏義

諸侯出夫人夫人比至於其國以夫人之禮行

至以夫人入

行道以夫人之禮者棄妻致命其家乃義絕不用此為始

使者將命曰

寡君不敏不能從而事社稷宗廟使使臣某敢告於執

事主人對曰寡君固前辭不教矣寡君敢不敬須以俟

命

前辭不教謂納采時也此辭賓在門外擯者傳焉賓入致命如初主人卒辭曰敢不聽命

有司官

陳器皿主人有司亦官受之

器皿本其所賁物也律棄妻界所賁

妻出夫

使人致之曰某不敏不能從而共粢盛使某也敢告於

侍者主人對曰某之子不肖不敢辟誅敢不敬須以俟

命使者退主人拜送之

肖似也不肖言不如人誅猶罰也

如舅在則稱

舅舅沒則稱兄無兄則稱夫

言棄妻者父兄在則稱之命當由尊者出也唯國君

不稱兄

主人之辭曰某之子不肖如姑姊妹亦皆稱之

姑姊妹

妹見棄亦曰某之姑某  
之姊若妹不肖雜記

凡諸侯之女出曰來歸夫人

出曰歸於某

莊二十七  
年左氏傳

大歸曰來歸

大歸者廢棄來  
歸也莊二十

七年公  
羊傳

子甚宜其妻父母不說出

宜猶善也  
內則

婦有

三不去有所取無所歸一也與共更三年之喪二也先

貧賤後富貴三也

詳見  
昏義

右出妻 曾參後母遇之無恩而供養不衰及其

妻以蒸藜不熟因出之人曰非七出也參曰藜蒸

小物耳吾欲使熟而不用吾命況大事乎遂出之

終身不娶妻其子元請焉參告其子曰高宗以後  
妻殺孝已尹吉甫以後妻放伯奇吾上不及高宗中  
不比吉甫庸知其得免于非乎

家語



禮書綱目卷三